


DS
735.
A2486
1771a
V. 8



御批歷代通鑑輯覽卷之十五

漢

世宗孝武皇帝

辛丑 建元元年師古曰自古帝王未有年號。始起于此。舉賢良方正直言極諫

之士。以董仲舒為江都相。

上初即位。詔舉賢良方正直言極諫之士。親策問之。廣

川董仲舒對策。略曰。臣觀天人相與之際。甚可畏也。國

告之。不知自省。又出怪異以警懼之。尚不知變。而傷敗

乃至。以此見天心之仁愛人君。而欲止其亂也。自非大

無道之世。盡欲扶持而安全之。事在彊勉而已矣。彊勉

學問。則聞見博而知益明。彊勉行道。則德日起而大有

功。此皆可使還至而立有效者也。道者所繇適于治之

路也。仁義禮樂。皆其具也。故聖王已沒。而子孫長久安

寧數百歲。此皆禮樂教化之功也。夫周道衰于幽厲。非

道亡也。幽厲不繇也。至于宣王。思昔先王之德。興滯補

漢武尚文學。其中遂于經術者。首推董仲舒。乃以為江都王傅。而所擢用者。前如趙綰。王臧輩之庸碌。後如莊助。吾邱輩之浮誇。所謂葉公之龍而已。

弊。明文武之功業。周道粲然復興。故治亂廢興在于已。非天降命。不可反也。臣聞命者。天之令也。性者。生之質也。情者。人之欲也。或夭或壽。或仁或鄙。陶冶而成之。不能粹美。故堯舜行德。則民仁壽。桀紂行暴。則民鄙夭。上之化。下下之從。猶泥之在鈞。唯甄者之所爲。猶金之在鎔。唯冶者之所爲。宜求其端于天。天道之大者在陰陽。陽爲德。陰爲刑。刑主殺而德主生。故陽常居大夏。而以生育長養爲事。陰常居大冬。而積于空虛不用之處。以此見天之任德不任刑也。王者承天意以從事。故任德教而不任刑。刑之不可任。以治世。猶陰之不可任。以成歲也。今廢先王德教之官。獨任執法之吏。而欲德教之被四海。難矣。爲人君者。正心以正朝廷。正朝廷以正百官。正百官以正萬民。正萬民以正四方。四方正。遠近莫敢不壹于正。而亡有邪氣。奸其間者。是以陰陽調而風雨時。羣生和而萬物殖。諸福之物。可致之祥。莫不畢至。今陛下行高而恩厚。知明而意美。愛民而好士。可謂誼主矣。然而天地未應。而美祥莫至者。凡以教化不立。而萬民不正也。夫萬民之從利。如水之走下。不以教化隄防之。不能止也。古之王者。明于此。故南面而治天下。莫不以教化爲大務。立太學以教于國。設庠序以化于邑。漸民以仁。摩民以誼。節民以禮。故其刑罰甚輕。而禁不犯者。

教化行而習俗美也。聖王之繼亂世也，掃除其迹而悉去之，復修教化而崇起之，譬之琴瑟不調，必解而更張之，乃可鼓也。為政而不行，甚者必變而更化之，乃可理也。古人有言曰：臨淵羨魚，不如退而結網。今臨政而願治，不如退而更化，更化則可善治，善治則災害日去，上福祿日來，故受天之祚而德施于方外，延及羣生也。上覽其對而異焉，再策之，仲舒復對。略曰：臣聞聖王之治，長則材諸位爵祿以養其德，刑罰以威其惡，故民曉于禮誼而耻犯其上。今陛下并育天下，海內莫不率服，而功不加于百姓者，殆王心未加焉。曾子曰：尊其所聞，則高明矣；行其所知，則光大矣。高明光大，不在于它，在乎加之意而已。願陛下因用所聞，設誠于內，而致行之，則三王何異哉？陛下夙寤晨興，務以求賢，亦堯舜之用心也，而未云獲者，士素不厲也。夫不素養士而欲求賢，譬猶不琢玉而求文，未也。故養士莫大乎太學。太學者，賢士之所關也，教化之本原也。願興太學，置明師，以養天下之士，數考問，以盡其材，則英俊宜可得矣。郡守縣令，民之師帥，所使承流而宣化也。師帥不賢，則主德不宣，恩澤不流。是以陰陽錯繆，氛氣充塞，羣生寡遂，黎民未濟，至于此也。古者任官稱職，非謂積日累久也。故小材雖累日，不離于小官；賢材雖未久，不害為輔佐。是以有

司竭力盡知務治其業而以赴功。今則不然。累日以取
貴。積久以致官。是以廉耻貿亂。賢不肖混殽。未得其真
也。臣愚以為使諸列侯郡守各擇其吏民之賢者歲貢
各二人。以給宿衛。且以觀大臣之能。所貢賢者有賞。所
貢不肖者有罰。夫如是。諸侯吏二千石盡心于求賢。天
下之士可得而官使也。毋以日月為功。實試賢能為上。
量材而授官。錄德而定位。則于是上三策之仲舒又復
廉耻殊路。賢不肖異處矣。對略曰。臣聞天者羣物之祖。故徧覆包函而無所殊。聖
人法天而立道。亦溥愛而無私。春者天之所以長也。德者君之所
以養也。霜者天之所以殺也。刑者君之所以罰也。繇此
言之。天人之徵。古今之道也。天令之謂命。命非聖人不
行。質樸之謂性。性非教化不成。人欲之謂情。情非制度
不節。是故王者上謹于承天意。以順命也。下務明教民
以成性也。正法度之宜。別上下之序。以防欲也。修此三
者。而大本舉矣。人受命于天。固超然異于羣生。故孔子
曰。天地之性。人為貴。明于天性。知自貴于物。然後知仁
誼。知仁誼。然後重禮節。重禮節。然後安處善。安處善。然
後樂循禮。樂循禮。然後禮節重。禮節重。然後君子也。臣又聞之。聚少成
多。積小致鉅。故聖人莫不以晚致明。以微致顯。言出于
已。不可塞也。行發于身。不可掩也。言行治之大者。君子

之所以動天地也。故盡小者大。慎微者著。積善在身。猶長日加益。而人不知也。積惡在身。猶火之銷膏。而人不見也。此唐虞之所以得令名。而桀紂之可爲悼懼者也。夫樂而不亂。復而不厭者。謂之道。道者。萬世無敝。敝者。道之失也。三王之道。所祖不同。非其相反。將以抹溢扶衰。所遭之變然也。故王者有改制之名。無變道之實。夏尚忠。殷尚敬。周尚文者。所繼之抹。當用此也。道之大原。出于天。天不變。道亦不變。是以禹繼舜。舜繼堯。三聖相受而守一道。亡抹敝之政也。繇是觀之。繼治世者。其道同。繼亂世者。其道變。今漢繼大亂之後。若宜少損周之文。致用夏之忠者。夫古之天下。亦今之天下。共是天下。以古準今。壹何不相逮之遠也。意者有所失乎。古之道與。有所詭于天之理與。夫天亦有所分乎。予之齒者。去其角。傅之翼者。兩其足。是所受大者。不得取小也。古之予祿者。不食于力。不動于末。是亦與天同意者也。身寵而載高位。家溫而食厚祿。因乘富貴之資。力以與民爭利。于下。民日削月朘。浸以大窮。尚不避死。安能避罪。此刑罰之所以蕃。而姦邪不可勝者也。公儀子相魯。之其家。見織帛。怒而出其妻。食于舍。而茹葵。慍而拔其葵。曰。吾已食祿。又奪園夫紅女利乎。古之賢人君子。在列位者。皆如是。是故下高其行。而從其教。民化其廉。而不貪鄙。豈可以居賢人之位。而爲庶人行哉。夫皇皇求財利。

嘗恐乏置者。庶人之意也。皇皇求仁義。惟恐不能化民者。大夫之意也。易曰。負且乘。致寇至。言居君子之位。而為庶人之行者。患禍必至也。若居君子之位。當君子之行。則舍公儀休之相魯。無可為者矣。春秋大一統者。天地之常經。古今之通誼也。今師異道。人異論。百家殊方。指意不同。是以上無以持一統。法制數變。下不知所守。臣愚以為諸不在六藝之科。孔子之術者。皆絕其道。勿使並進。邪僻之說滅息。然後統紀可一。而法度可明。民知所從矣。對既畢。上以仲舒為江都相。丞相衛綰因奏所舉賢良。或治申韓蘇張之言。亂國政。請皆罷之。奏可。仲舒少治春秋。為博士。下帷講誦。蓋三年。不窺園其精如此。進退容止。非禮不行。學士皆師尊之。及為江都王易王相。王帝兄。素驕。好勇。仲舒以禮匡正。王敬重焉。嘗問曰。越王勾踐與大夫泄庸種蠡伐吳滅之。寡人以為越有三仁。何如。仲舒對曰。夫仁人者。止其誼。不謀其利。明其道。不計其功。是以

仲尼之門五尺之童。羞稱五伯。為其先詐力而後仁誼。

也。繇此言之。則越未嘗有一仁也。王曰善。後公孫弘薛。

人。亦治春秋。而希世用事。仲舒以公孫弘為從諛弘嫉

之。以膠西王于王。亦上兄。尤縱恣。數害吏。言于上。使仲

舒相之。王素聞其賢。善待之。仲舒兩事驕王。皆正身率

下。教令國中。所居而治。及去位家居。不問產業。專以講

學著書為事。朝廷有大議。使使就問之。其對皆有明法。

自帝即位。始崇儒。及仲舒對策。推明孔氏。抑黜百家。立

學校之官。州郡舉茂材孝廉。皆自仲舒發之。年老。以壽

夏六月。丞相綰免。以竇嬰封魏其侯。魏其故城。在為丞相。

田蚡長陵人。王太后同母弟。封武安侯。武安注見前。為太尉。趙綰代人。為御史大

夫王臧

蘭陵人

為郎中令迎申公

魯人

為大中大夫

上雅嚮儒術嬰蚡俱好儒推轂

謂升薦之若轉車轂也

趙綰為御

史大夫王臧為郎中令綰臧請立明堂

注見前

以朝諸侯

不能就其事乃言師申公

故楚王使。胥靡申公。申公愧之。歸魯。以詩教弟子受業者

千餘人

上使使者奉安車蒲輪

用蒲裹其輪取其安也

東帛上加以璧尊德也

迎之既至問治亂之事申公年八十餘對

曰為治者不在多言顧力行何如耳時上方好文詞見

申公對默然然已招致則以為大中大夫舍魯邸

漢制郡國

皆立邸

議明堂巡狩改歷服色事

壬寅二年冬十月淮南王安來朝

淮南王安好書善為文辭

作內書二十一篇外書甚眾又有中篇八卷言神仙黃白

術至是入朝上以安屬為諸父而材高甚尊重之每宴

見談說昏暮然後罷

安雅善田蚡其入朝蚡迎之霸上與語曰上無太子王親高帝孫行

仁義天下莫不聞宮車一日宴駕非王尚誰立者安大喜厚遺蚡寶賂

趙綰王臧下吏自殺丞相嬰太尉蚡免申公免歸以石建

石衛石氏之別為郎中令石慶為內史

太皇太后好黃老言不悅儒術趙綰請毋奏事東宮

長樂宮在東太后居之故曰東宮應劭曰禮婦人不預政事時帝已躬省萬幾太后又非五經故綰欲毋奏事太后

太后大怒求得綰臧過以讓上曰此欲復為新垣平也

上因廢明堂事及諸所欲興者下綰臧吏皆自殺嬰蚡

免申公亦以疾免歸初景帝以石奮

河內溫人少侍高祖其姊為美人因

徙長安及四子官皆二千石號奮為萬石君萬石君無

文學而恭謹無與比子孫爲小吏來歸謁必朝服見之不名有過失不責讓爲便坐對案不食然後諸子相責因長老肉袒謝罪改之乃許子孫勝冠者在側雖燕居必冠其執喪哀戚甚悼子孫遵教亦如之以故孝謹聞乎郡國及是綰臧獲罪太后以爲儒者文多質少今萬石君家不言而躬行乃以其長子建爲郎中令少子慶爲內史建在上側事有可言屏人恣言極切至廷見如不能言上以是親之慶爲太僕御出上問車中幾馬慶策數馬舉手曰六馬慶于兄弟最爲簡易矣然猶如此

春二月丙戌朔日食

三月以許昌

高祖功臣栢至侯許昌孫嗣侯爲太常

爲丞相

以衛青為大中大夫。

初上之為太子。館陶大長公主有力焉。以其女為太子

妃。及即位。妃為皇后。后驕妬。擅寵而無子。寵寢衰。上嘗

過平陽公主。

帝姊。王太后出。降平陽侯曹壽。

悅謳者衛子夫。

其出微。母曰衛嫗。平

陽侯家僮。

主因奉子夫送入宮。曰尊寵。陳皇后聞之。恚。幾死。

者數焉。子夫同母弟青。

字仲卿。其父鄭季。河東平陽人。以縣吏給事侯家。私與衛嫗通。

生。

冒姓衛氏。為侯家騎奴。

大長公主以子夫故。執囚青。欲殺之。青友公孫敖與壯士

往篡取之。

上召為建章

宮名。在上林苑中。

監侍中。已而以子夫

為夫人。青為大中大夫。

夏四月。有星如日。夜出。

癸卯

三年。冬十月。中山王勝來朝。

時議多寃鼂錯之策。務摧抑諸侯王。數奏暴其過惡。吹毛求疵。諸侯王莫不悲怨。至是。諸王來朝。置酒。勝聞樂聲而泣。上問其故。勝具以吏所侵聞。上乃厚諸侯之禮。省有司所奏諸侯事。加親親之恩焉。

春。河溢平原。

注見前。

大饑。人相食。

顏師古曰。河溢之處。損害田畝。故饑。

秋。七月。有星孛于西北。

閩越擊東甌。遣使發兵救之。遂徙其衆于江淮間。

閩越發兵圍東甌。

初。吳王濞太子駒亡走閩越。怨東甌殺其父。常勸閩越擊東甌。閩越從之。

東甌使人告急。上問田蚡。對曰。越人相攻擊。固其常。又

數反覆。自秦時棄不屬。不足以煩中國往救也。莊助

以莊

諡爲氏。助。吳人以賢。良對策。擢中大夫。

曰。小國以窮困來告急。天子不救。

何以子萬國乎且秦舉咸陽而棄之何但越也上曰太尉不足與計吾新即位不欲出虎符發兵郡國乃遣助以節發兵會稽會稽守欲距法不為發以法距之為助無虎符驗也乃斬一司馬喻意指遂發兵浮海救東甌未至閩越兵罷東甌請舉國內徙乃悉舉其衆處于江淮之間

九月丙子晦日食

帝始徵行起上林苑

三輔黃圖苑周袤三百里離宮七十所

上招選天下文學材智之士拔其俊異者寵用之莊助

最先進後又得朱買臣

字翁子吳人

吾邱壽王

吾音虞晉有虞邱氏壽王

字子贗

司馬相如

字長卿成都人

東方朔

風俗通伏羲之後帝出平震主東方因氏

馬前字曼倩

枚臯

枚氏出周官銜枚氏淮陰校乘孽子

終軍

終氏顓頊裔陸終之後以

名爲氏。甲字子雲。等並在左右。每命與大臣等辨論。中

外中謂莊助等亦曰終童。濟南人。相應以義理之文。大臣數絀焉。然相如

特以辭賦得幸。朔。皐。不根。持論好詼諧。上以俳優畜之。

惟助與壽王見任用。而朔時爲直諫。有所補益。是歲上

始爲微行。與左右善騎射者。期諸殿門。期門之號始此。以夜漏

下十刻始出。旦明入南山下馳射。至夕還。大驩樂之。是

後數出。私置更衣十二所。晝休更衣。然上以道遠勞苦。

又爲百姓所患。嘗從南山下馳騫禾稼地。鄼杜令欲執

逆旅主人疑爲盜。聚少年欲攻之。主人嫗異上狀。貌止

其翁不聽。嫗飲翁酒醉而縛之。少年乃散去。栢谷在

縣西南。靈寶于是使大中大夫吾邱壽王除上林苑屬之

南山。東方朔諫曰。南山天下之阻。陸海謂陸產富饒。有同于海。之

區。今規以為苑。絕陂池水澤之利。而取民膏腴之地。上

乏國用。下奪農業。其不可一也。盛荆棘之林。大虎狼之

虛。讀作墟。壞人家墓。發人室廬。其不可二也。垣而囿之。騎

馳車驚。有深溝大渠。夫一日之樂。不足以危無隄之輿

車。劉敞曰。不足之。不當作亦。隄。猶防也。言其不可三也。帝

乃拜朔大中大夫給事中。加官。以給事中名然遂起上林苑。

甲辰四年夏有風赤如血。

乙巳五年春置五經博士。

丙午六年夏五月太皇太后崩。合葬霸陵。

六月丞相昌免。以田蚡為丞相。

蚡驕侈治宅甲諸第。田園極膏腴。多受四方賂遺。每入

奏事。坐語移日。所言皆聽。薦人或起家至二千石。權移主上。上乃曰。君除吏已盡未。吾亦欲除吏。嘗請考工少府屬地益宅。上怒曰。君何不遂取武庫。是後乃少退。

秋八月。有星孛于東方。長竟天。

閩越王郢攻南越。遣大行王恢燕人等將兵擊之。越人殺郢降。兵還。南越遣太子嬰齊入宿衛。

閩越王郢興兵擊南越。南越守天子約。不敢擅舉兵。上書以聞。上多其義。遣大行王恢出豫章。漢郡治南昌。今南昌府南昌縣

是。大農令韓安國出會稽。俱為將軍。擊閩越淮南王安。

上書諫。略曰。越方外之國。剪髮文身之民。不可以冠帶。能伏威不能制。以為不居之地。不牧之民。不足以煩中國也。今自相攻擊。而陛下發兵救之。是反以中國而勞。

蠻夷也。臣聞天子之兵有征而無戰。言莫敢校也。如使越人微幸以逆執事。廝輿之卒有一不備而歸。雖得越王之首。臣猶羞之。陛下以九州為家。生民皆為臣妾。天下之安。猶泰山而四維之也。蠻夷之地。何足以為一日之間。而煩汗馬之勞乎。詩云。王猶允塞。徐方既來。言王道甚大。而遠方懷之也。臣安竊恐將吏之以十萬之師。為一使之任也。是時漢兵遂出。未踰嶺。閩越王郢發兵距險。其弟餘善與宗族謀。縱殺郢。使使奉其頭。致王恢。恢乃以便宜案兵。告安國。而使使奉王頭馳奏。詔罷兵。立無諸。孫繇音搖。邑號。君丑為越繇王。餘善既殺郢。威行于國。繇王不能制。上聞之。以餘善不足復興師。立為東越王。與繇王並處。使莊助諭意南越。南越王胡頓首曰。天子乃為臣興兵討閩越。死無以報德。遣太子嬰齊入宿衛。助還過淮南。上又使助諭淮南王安。以討越事。嘉答其意。安

謝不及助遂與安相結而還。

以汲黯

字長孺。濮陽人。胡三省曰。黯之先世。為衛大夫。蓋食采于汲。遂以為氏。

為主爵都尉。

初黯為謁者。東越相攻。上使黯往視之。至吳。還報曰。越

人相攻。固其俗然。不足以辱天子使。河內

漢郡。治懷。懷。注見前。失

火。延燒千餘家。上使黯往視之。還報曰。家人失火。屋比

延燒不足憂也。臣過河南。

漢郡。注見前。

貧民傷水旱萬餘家。

或父子相食。臣謹以便宜持節。發倉粟以賑之。臣請歸

節。伏矯制之罪。上賢而釋之。已遷為東海。

漢郡。治郯。今山東沂州府

郯城縣是。

太守。黯好清靜。擇丞史。

漢制。郡守屬有丞。有諸曹掾史。

任之。責大

指不苟小。臥閣不出。歲餘。東海大治。上聞。召為主爵都

尉。時天子方招文學。嘗曰。吾欲云云。黯曰。陛下內多欲。

而外施仁義奈何欲效唐虞之治乎。上怒罷朝。謂左右

曰甚矣。汲黯之戇也。羣臣或數黯。黯曰天子置公卿輔

弼之臣。寧令從諛承意。陷主于不義乎。且已在其位。縱

愛身。奈辱朝廷何。黯多病。賜告休假曰告。賜告。天者數

終不愈。最後莊助爲請。上曰汲黯何如人。助曰使黯任

職居官。無以踰人。至其輔少主。守城深堅。謂志操深遠堅固。招

之不來。麾之不去。雖賁育孟賁。夏育皆衛力士。不能奪之矣。帝曰

然。古有社稷之臣。至如黯近之矣。黯以嚴見。憚大將軍丞相燕見。上或不冠

至黯不冠不見也。上嘗坐武帳。黯前奏事。上不冠。避帳中。使人可其奏。其敬禮如此。

丁未元光元年冬十一月。初令郡國舉孝廉各一人。

從董仲舒對策之言也。

士卒樂李廣之實而苦程
不識之嚴蓋以李之將略
本優于程所謂神而明之
存乎其人耳若論行軍之
常經則紀律森嚴自當以
程為正

以李廣程不識程伯休父封于程其後以邑為氏為將軍將兵屯北邊

廣與不識俱以將兵有名當時廣行無部曲行陳就善

水草舍止人人自便不擊刁斗孟康曰以銅作鐃受一斗晝炊飲食夜擊持行

故曰刁斗鐃音以自衛莫府省約文書然亦遠斥候斥候望也所以偵伺盜賊

未嘗遇害不識正部曲行伍營陳擊刁斗

治軍簿至明軍不得休息亦未嘗遇害然匈奴畏李廣

之略士卒亦多樂從廣而苦程不識

秋七月癸未日食

戊申二年冬十月始親祠竈五祀夏所祭其神祝融遣方士求神仙

李少君以祠竈却老方見上上尊之少君者故深澤侯

高祖功臣有深澤侯趙將文舍人匿其年及所生長善為巧發奇中

王恢不主和親之議請擊匈奴論者或以妄動啟釁罪之非也觀其所言原不敢發兵深入不過欲誘致

嘗從武安侯宴坐中有老人九十餘少君乃言與其大父游射處老人為兒時從大父識其處一坐盡驚及見上上有故銅器問少君少君曰此器齊桓公十年陳于栢寢已而案其刻果然于是上大駭以少君為數百歲人也言上曰祠竈則致物謂鬼物而丹砂可化為黃金蓬萊

仙者可見見之以封禪則不死于是天子始親祠竈遣

方士入海求蓬萊安期生

琅邪人秦時賣藥海邊人言其千歲少君為上言安期生

嘗食臣棗大如瓜

之屬而事化丹砂諸藥齊

才計反藥之分劑

為黃金

久之少君病死天子以為化去不死而海上燕齊怪迂

之士多更來言神仙事矣

時又有亳人謬忌奏祠太一曰天神貴者太一太一佐曰

五帝上為立祠長安東南郊

太一天帝之別名中宮天極星其一明者太一常居也五帝太微垣五帝座也

夏六月遣間誘匈奴入塞將軍王恢等伏兵邀之不獲恢

以罪下吏自殺

單于僥倖成功先已氣餒而計左矣卒之畏懦不前損威辱國果斷如武帝惜不能明正其罪而誅之聞而自殺猶漏網耳

先是匈奴請和親。上下其議。大行王恢請舉兵擊之。御

史大夫韓安國以爲不如和親。羣臣多附安國議。遂許

之。至是鴈門馬邑豪聶翁壹聶。注見前翁者老人之稱壹名。因恢言。匈

奴初和親。可誘以利。伏兵襲擊。必破之。上召問公卿。恢

及安國更相詰難。恢曰。陛下之威。海內爲一。而匈奴侵

擊之便。安國曰。臣聞高皇帝常圍于平城。七日不食。及

解圍反位。而無忿怒之心。聖人以天下爲度。不以已私

怒傷天下之公。故結和親。至今爲五世利。臣竊以爲勿

擊便。恢曰。不然。高皇帝所以不報平城之怨者。非力不

能。所以休天下之心也。今邊境數驚。士卒死傷。中國樁

車相望。此仁人之所隱也。故曰擊之便。安國曰。不然。臣

聞用兵者。以飽待饑。常坐而役敵國。今將卷甲輕舉。深

入長驅。從行則迫脅。衡行則中絕。疾則糧乏。徐則後利。

兵法曰。遺人獲也。臣故曰勿擊便。恢曰。不然。臣言擊之

者。非發而深入也。將順因單于之欲。誘而致之邊。吾選

梟騎。陰伏而處。審遮險阻。或營其左。或營其右。或當

其前。或絕其後。單于可禽。百全必取。上從恢議。

六月以韓安國李廣王恢為將軍將車騎材官三十餘

萬匿馬邑傍谷中使聶翁壹亡入匈奴謂單于曰吾能

斬馬邑令丞以城降財物可盡取單于信之以十萬騎

入武州

漢縣故城在山西朔平府左雲縣

塞未至馬邑百餘里見畜布

野而無人牧者乃攻亭得鴈門尉史

漢近塞郡皆置尉每百里尉史二人

欲殺之尉史具告單于漢兵所居單于大驚曰我固疑

之乃引兵還

單于曰吾得尉史天也以爲天王

漢兵追至塞弗及乃皆

罷兵始王恢主別從代擊虜輜重及聞單于還兵多亦

不敢出上怒下恢廷尉廷尉當恢逗撓當斬

恢行千金田蚡蚡言

于太后曰王恢首爲馬邑事今不成而誅恢是爲匈奴報仇也太后以告上上曰首爲馬邑事者恢故發天下兵數十萬從其言爲此且縱單于不可得恢所部擊其輜重猶頗可得慰士大夫心今不誅恢無以謝天下

恢遂自殺。自是匈奴絕和親，往往入盜邊，不可勝數。然尚貪樂關市，嗜漢財物，漢亦通關市，不絕以中之。

巳酉三年春，河徙頓邱。

漢縣本春秋衛邑。注見前。

夏，決濮陽。

漢東郡治。注見前。黃河自

周定王五年後，至是再徙。

春，河水徙從頓邱東南。

禹貢錐指：河水徙從頓邱東南，是一句通鑑考異。以頓邱屬東

郡，勃海三字蓋誤。以東南二字屬下讀也。流入勃海，禹貢

頓邱決口及入海處。溝洫志不載，不可得聞。今以水經

注考之，北濱初經頓邱縣西北，至是改流過其縣東南，

歷畔觀至東陽武，奪漯川之道。東北至于乘入海者也。

畔觀，今山東觀城縣。東陽武，今山東朝城縣，俱屬曹

州府。干乘，漯川。注俱見前。夏，復決濮陽瓠子。禹貢錐指：漯川狹小，不

能容故其夏又自長壽津溢而東。

注鉅野。鉅野在曹州府鉅

以決于濮陽。長壽津。注見前。

大野澤。通淮泗。此黃河入

注見前。汎郡十六。天子使汲黯、鄭當

時字莊。陳人。發卒十萬塞之。輒復壞。是時田蚡奉邑食餽。漢

故城在今山東濟南府平原縣。居河北。河決而南。則鄆無水災。邑多收。

因言于上曰。江河之決。皆天事。未易以人力彊塞。望氣

者亦以為然。于是久不塞。禹貢錐指。河既決瓠子。東南通淮泗。于是北瀆之流微。漂

川之水涸矣。

庚戌四年冬十二月晦。殺魏其侯竇嬰。春三月。田蚡卒。

初。孝景時。竇嬰為大將軍。田蚡乃為諸郎。已而蚡日益

貴幸。嬰失執。賓客益衰。獨故燕相灌夫。字仲儒。潁陰人。

侯嬰舍人。遂不去。嬰乃厚遇夫。相為引重。夫為人剛直。父張孟為潁陰

使酒。諸有執在己之右者。必陵之。故與田蚡有隙。蚡奏

夫家在潁川。橫甚。夫宗族賓客為姦利。潁川兒歌之。請

治之上曰。此丞相事。何請。夫亦持蚡陰事。受淮南王金。

與語言。

事具前。

賓客居間。遂解。未幾。蚡取燕王女爲夫人。

太后詔列侯宗室皆往賀。嬰彊夫與俱往。夫因行酒罵

坐。

夫行酒至蚡。蚡不肯滿觴。夫無所發怒。適臨汝侯灌賢與程不識耳語。夫乃罵曰。生平鄙程不識。不直一

錢。今日長者爲壽。乃效女兒曹咕囁耳語邪。

蚡大怒。令騎縛夫。繫居室。

署名屬少

府。

遂其前事。

遂。竟也。竟前所奏夫事。

遣吏分曹逐捕諸灌氏支屬。

皆得棄市罪。夫旣繫。不得言蚡陰事。嬰乃上書論救。得

見上。具言灌夫醉飽事。不足誅。上以爲然。令東朝。

太后朝。

廷辯之。嬰與蚡因互相詆訐。上問朝臣。兩人孰是。惟汲

黯是嬰。韓安國兩以爲是。鄭當時是嬰。後不敢堅。上怒。

當時曰。公今日廷論。局趣效轍下駒。吾并斬若屬矣。卽

罷起入上食太后太后怒不食曰吾在也而人皆藉

踏也

也吾弟令我百歲後皆魚肉之乎上不得已遂族灌夫

使有司案治嬰得棄市罪

景帝時嬰嘗受遺詔曰事有不便以便宜論上及是事有

使昆弟子上書言之書奏案尚書大行無遺詔遂于十

二月晦論殺之

張晏曰著日月者見春垂至恐遇赦贖之胡三省曰此用蚡之意也

蚡亦卒

蚡疾一身盡痛若有擊者上使視鬼者懸嬰蚡之曰魏其侯與灌夫共守筓欲殺之竟死

事上本不直蚡特以太后故後淮南王安敗上聞蚡受

安金有不順語曰使武安侯在者族矣

夏四月隕霜殺草

五月以薛澤

高祖功臣薛歐之孫續封平棘侯為丞相

地震

辛亥五年冬十月河間王德來朝獻雅樂對詔策春正月還國卒

河間王德修學好古實事求是

務得其實每求真是也

以金帛招

求四方善書得書多與漢朝等

時淮南王亦好書所招

致率多浮辯王所得皆古文先秦

猶言秦先

舊書

王得周官有五篇失

冬官募以千金不得取考工記補之禮古經出魯淹中

王收集餘燼獻之趙人毛萇善詩自云子夏所傳作詁

訓傳王好之其他若尚書禮記孟子左氏春秋之屬皆經傳說記七十子之徒所論其學舉六

藝

謂六經修禮樂被服儒術造次必于儒者山東諸儒多

從之遊是歲十月來朝獻雅樂對三雍宮

應劭曰辟雍明堂露臺也

明三宮曰對三雍之制度非對于三雍宮

及詔策所問三十餘事推道術而

言得事之中文約指明天子下太樂官

屬太常

存肄王所

獻雅聲。歲時以備數。然不常御也。正月王歸國。薨。中尉以聞。大行令奏諡曰獻。

通南夷置犍為郡。

初治犍。今貴州遵義府遵義縣是。後徙治犍道。今四川敘州府宜賓縣是。

西夷置一都尉。

初王恢之討東越也。使番陽

漢縣。今曰鄱陽。屬江西饒州府。

令唐蒙風

喻南越。南越食蒙以蜀枸醬。

枸。一作蒟。音矩。草類。緣木而生。子如桑椹。熟時正青。

以蜜藏而食之。

蒙問所從來。曰。道西北牂牁江。

一作牂水。其上流為

今貴州之盤江。逕廣西南寧府。

為左江。至潯州府。合右江。即黔江。亦導源貴州。入廣東境。為西江。下番禺入海。

牂牁江廣數里。出番禺城下。蒙歸。問蜀賈人。賈人曰。獨

蜀出枸醬。多持竊出市夜郎。

今貴州以西。南籠諸府地。古為夜郎國。漢置縣。唐始

移縣于珍州。今遵義縣桐梓縣是。

夜郎臨牂牁江。

牂牁。繫船杙也。楚莊躋伐夜郎。桵船于岸。

而步戰。既滅夜郎。以江有江廣百餘步。南越以財物役

屬之。然亦不能臣使也。蒙乃上書曰。南越東西萬餘里。

從長沙豫章往。水道多絕。竊聞夜郎精兵可十餘萬。浮

船牂牁。出其不意。此亦制越一奇也。請通夜郎道。為置

吏。上乃拜蒙中郎將。將千人。從笮關

今四川雅州府清溪縣。古笮都國。其

東北有大關山。即邛崃坂也。

八。遂見夜郎侯多同。

侯以竹為姓。其多同。其名也。厚賜

之。喻以威德。約為置吏。多同貪漢繒帛。以為道險。漢終

不能有。乃且聽約。蒙還報上。以為犍為郡。發卒治道數

萬人。卒多物故。有逃亡者。用軍興法誅之。巴蜀民大驚

恐。上使司馬相如責蒙。因喻告巴蜀民。以非上意。相如

還報時。邛

今四川寧遠府。今四川寧遠府。古邛都國。笮上。

見君長。聞南夷得賞賜多。

欲請吏。上問相如。相如曰。邛笮冉駹冉駹西夷二族今四川茂州是近

蜀易通。為置郡縣。愈于南夷。上乃拜相如中郎將。建節

往使。因巴蜀吏幣物以賂西夷。皆請為內臣。除邊關關

益斥。言廣也。西至沫。即青衣水。出雅州府天全州。入江。若水。即

水。注見前。南至牂牁。為徼。通零關道。零一作靈。漢書地理志。靈關道屬越巂郡。越

巂。今寧遠府。橋孫水。水經注。孫水出臺登縣。一名白沙江。以

通邛都。為置一都尉。十餘縣。屬蜀。上大悅。

秋七月。皇后陳氏廢。

后以祠祭厭勝媚道。事覺。冊收璽綬。退居長門宮。竇太

主。即館陶長公主。慙懼。稽顙謝。上慰諭之。初。上嘗置酒主家。主

見所幸賣珠兒董偃。上使之侍飲。稱為主人。翁而不名。常從遊戲。

朔以詠諧待漢武即其自稱亦不過從容談笑避世金馬門耳乃能盡言直諫侃侃不阿非莊助輩所及安得以滑稽少之

馳逐觀雞鞠

謂鬪雞蹋鞠之戲

角狗馬上樂之因爲主置酒宣

室使謁者引內偃中郎東方朔辟戟

謂以戟置地

而前曰董

偃有斬罪三安得入乎上曰何也朔曰偃以人臣私侍

公主一也敗男女之化亂婚姻之禮傷王制二也陛下

富于春秋方積思于六經而偃以靡麗奢侈道淫辟之

路乃國家之大賊人主之大賊

一曰短狐亦曰射工南方淫氣所生三也

上默然良久曰吾業已設飲後而自改朔曰不可夫宣

室者先帝之正處也非法度之政不得入焉淫亂之漸

其變爲篡上曰善詔置酒北宮

在未央宮北

引偃從東司馬

門入賜朔黃金三十斤偃寵由是日衰

詔大中大夫張湯

杜陵人

中大夫趙禹

潁川人

定律令

湯禹務在深文拘守職之吏

蘇林曰拘刻于因循于是守職無所改作之吏

始作見知法

張晏曰吏見知人犯法不舉告為故縱以其罪罪之

八月螟

以公孫弘為博士

是時徵吏民有明當時之務習先聖之術者縣次續食

音嗣令各縣依次第接續供養飲食

令與計偕

計者上計簿使也偕俱也令所徵者與上計使者偕

來菑川公孫弘對策

略曰臣聞堯舜之時不貴爵賞而民勸善不重刑罰而民不犯躬率

以正而遇民信也是故因能任官則分職治去無用之言則事情得不作無用之器則賦斂省不奪民時不妨民力則百姓富有德者進無德者退則朝廷尊有功者上無功者下則羣臣遠罰當罪則奸邪止賞當功則臣下勸凡此八者治之本也臣又聞之氣同則從聲比則應人主和德于上百姓和合于下故心和則氣和氣和則形和形和則聲和聲和則天地之和應矣

太常奏第居下上特擢為第一

拜博士待詔金馬門

宦署門也。時有善相馬者東門京。鑄銅馬獻之。詔立馬于魯班門。故

更名金馬門。

時齊人轅固年九十餘亦以賢良徵謂曰公孫

子務正學以言無曲學以阿世諸儒多疾毀固遂以老
罷歸。

壬午六年冬初算商車。

春穿渭渠

亦曰漕渠在西安府城南水經注漢漕渠自昆明池南傍山原東至于河。

大司農鄭當時言穿渭為渠下至河漕關東粟徑易又
可以溉渠下民田萬餘頃詔發卒數萬人穿之三歲而
通人以為便。

匈奴寇上谷

注見前。

遣車騎將軍衛青等擊却之。

匈奴入上谷遣衛青及公孫賀公孫敖

皆義渠人。

李廣四將

軍擊之。李廣軍敗爲匈奴所得。置兩馬間。絡而盛卧。廣佯死。覘其旁。有一兒騎善馬。暫騰而上兒馬。推墮兒。奪其弓。鞭馬南馳。遂得歸。下吏當死。贖爲庶人。兩將軍亦無功。惟青得首虜多。賜爵關內侯。青雖出于奴虜。然善騎射。材力絕人。遇士大夫以禮。與士卒有恩。衆樂爲用。故每出輒有功。

癸丑

元朔元年冬十一月。定二千石不舉孝廉罪法。

詔曰。朕深詔執事。興廉舉孝。庶幾成風。紹休聖緒。夫十室之邑。必有忠信。三人並行。厥有我師。今或至闔郡而不薦一人。是化不下究。而積行之君子。壅于上聞也。且進賢受上賞。蔽賢蒙顯戮。古之道也。其議二千石不舉

者罪。有司奏不舉孝。不奉詔。當以不敬論。不察廉。不勝任也。當免。奏可。

子據生。

即展太子。

立夫人衛氏為皇后。

帝未有子。是年衛夫人始生子據。遂立為后。

帝得皇子甚喜。為立

祿。使東方朔枚臯作祿祝。后立。臯為奏賦以戒終。

秋。匈奴入寇。以李廣為右北平。

漢郡。治平剛。故城在今熱河八溝界。

太守。

廣在郡。匈奴號曰漢飛將軍。避之數歲。不入界。

初。廣屏居藍田。

南山。嘗夜從人田間飲。還至亭。霸陵尉醉。阿止廣。廣騎曰。故李將軍。尉曰。今將軍尚不得夜行。何故也。宿廣亭下。居無何。廣拜右北平。請尉與俱。至軍而斬之。上書自

陳。帝弗罪也。廣猿臂善射。嘗出獵。見草中石。以為虎而射之。中石沒矢。視之。石也。

他日射之。終不能入矣。

歲。

即歲。猶今奉天府鳳凰城東及朝鮮國之江原道。皆其地也。

君降。置蒼海郡。

霸陵尉阿止李廣。所為盡官守之職。者其論甚正。不可謂醉言。廣乃請而殺之。器小。執法莫此為甚。武帝英明。似不應聽其出此射石之事。隣于虛。以資名談。可耳。余以為不宜入正史。

歲君南閭

名歲君

等率口二十八萬詣遼東

漢郡治展平故城在今奉

天府遼陽州北

內屬詔以其地置蒼海郡人徒之費擬于南夷

數年乃罷

以主父偃

趙武靈王自號主父支庶因以為氏

嚴安徐樂為郎中

主父偃臨淄人始遊齊燕趙皆莫能厚遇乃西入關上

書闕下朝奏暮召入所言九事其八事為律令一事諫

伐匈奴

其略曰昔秦吞戰國務勝不休使蒙恬將兵北伐辟地千里天下飛芻輓粟起于負海轉輸北

河男子疾耕

不足于糧餉女子紡績不足于帷幕百姓靡敝天下始叛夫匈奴難得而制非一世也行盜侵驅

天性固然

虞夏商周固弗程督今不上觀虞夏商周之統而下循近世之失此臣之所大憂百姓之所疾苦也

時偃同郡嚴安以故丞相史上書

略言今天下人民用財侈靡臣願為制度

以防其淫

又今徇南夷朝夜郎降羌焚略葳州建城邑深入匈奴之境燔其龍城議者美之此人臣之利非天

下之長策也。

無終徐樂亦上書。

略言。天下之患。在土崩。不在瓦解。何謂土崩。秦之末世。是

也。何謂瓦解。解吳楚七國之兵。是也。此二體者。安危之明要也。間者。關東數不登。重以邊境之事。民宜有不安其處者矣。不安故易動。易動者。土崩之執也。故賢主獨觀萬化之原。修之廟堂之上。而銷未形之患。期使天下無土崩之執。

而已矣。

書奏。上召見。謂曰。公等皆安在。何相見之晚。

也。皆拜為郎中。

三人惟偃尤親幸。一歲四遷。為中大夫。大臣畏其口。賂遺累千金。或謂偃曰。太

橫矣。偃曰。吾生不五鼎食。死即五鼎烹耳。

寅甲

二年春正月。詔諸侯王得分國邑。封子弟為列侯。

主父偃說上曰。古者諸侯不過百里。今或連城數十。地

方千里。緩則驕奢。易為淫亂。急則阻彊。合從以逆京師。

以法割削之。則逆節萌起。前日黠錯是也。今諸侯子弟

或十數。而適嗣代立。餘無尺地之封。則仁孝之道不宣。

王父偃建議分國與賈誼
眾建諸侯之意同然叔世
風漓國爭兼併興益滋
耳

願陛下令諸侯得推恩分子弟以地侯之。彼人人喜得所願。上以德施，寔分其國，不削而稍弱矣。上從之。

匈奴入寇，遣衛青等將兵擊走之，遂取河南地，立朔方郡。

故城在今鄂爾多斯右翼後旗。

匈奴入上谷、漁陽。

漢郡治漁陽，今順天府密雲縣是。

遣衛青、李息、郁郅人。

出雲中，以西擊走白羊樓煩王，遂取河南地，詔封青為

長平。

漢縣故城在今河南陳州府西華縣東北。

侯。主父偃言：河南地肥饒，外

阻河，城之以逐匈奴，可省轉戍，廣中國，公卿皆言不便。

上竟用偃計，立朔方郡，募民徙者十萬口，築城繕塞，因

河為固。

榆林志：黃河自寧夏西折而北，經三受降城南，至廢東勝州西，折而南，入府谷縣境，其中謂之

河套，迴環數千里。費數十百鉅萬。

武帝之徙解及公孫弘之
罪解可謂能裨惡者若司
馬遷於游俠一傳津津樂
道則以刑餘憤激助淫辭
而裂名教矣

三月乙亥晦日食

徙郡國豪傑于茂陵

帝陵邑在今西安府興平縣東北

主父偃言茂陵初立天下豪傑并兼亂衆之民皆可徙
置內實京師外銷姦猾所謂不誅而害除上從之軹人
郭解關東大俠也在徙中衛青爲言郭解家貧不中徙
上曰解布衣權至使將軍爲言此其家不貧卒徙解家
解生平睚眦殺人甚衆上聞之下吏捕治所殺皆在赦
前軹有儒生侍使者坐客譽郭解生曰解專以奸犯公
法何謂賢解客聞殺此生斷其舌吏以此責解解實不
知吏奏解無罪公孫弘議曰解布衣爲任俠行權以睚
眦殺人解雖不知此罪甚于解殺之當大逆無道遂族

郭解。

齊王次昌有罪。自殺。國除。誅齊相主父偃。夷其族。

主父偃嘗欲納女于齊王。王不許。偃因上言。臨淄殷富。

非親愛子弟不得王。今齊王屬疏。又與姊亂。與紀翁主通。請

治之。于是拜偃為齊相。偃至齊。急治王後宮宦者。辭及

王。王懼。自殺。偃始為布衣時。遊齊及燕趙。既貴。首發燕

王彭祖恐。上書告偃受諸侯金。以故諸侯子弟多得封者。上聞大怒。囚偃下吏。偃辭

不服。上欲勿誅。公孫弘曰。齊王自殺。國除。偃本首惡。不

誅。無以謝天下。乃族誅之。

以孔臧。孔子後。高祖功臣。為太常。

上欲以孔臧為御史大夫。臧辭曰。臣世以經學為業。乞

為太常典臣家業與從弟侍中安國

孔子十二世孫以治尚書為侍中

綱紀古訓使永垂後嗣帝從之

其禮賜如三公

乙卯

三年以張騫

漢中人

為大中大夫

初匈奴降者言月氏故居敦煌

漢縣唐建中後廢今復置屬甘肅安西府

連

即天山匈奴呼天曰祁連山在今甘肅張掖縣西

又西際于葱嶺蓋數千里

考祁連有南北之分此為南祁連即漢書西域傳所謂南山也其北祁連在今

哈密城北自葱嶺分支蜿蜒而東最高者曰博克達山其餘隨地易名延袤亦數千里即西域傳所謂北山也

杜佑通典自張掖以西至于庭州山皆周徧蓋統南北兩祁連而言之

間為疆國匈奴攻

破之殺月氏王以其頭為飲器餘眾逃遁遠去怨匈奴

無與共擊之上募能通月氏者張騫以郎應募出隴西

徑匈奴中單于得之留十餘歲騫得間西去數十日

張騫出隴西而大宛而康居而月氏皆行數十日發譯傳致乃達其道均自東

而西確然無疑者乃史稱大宛去長安萬二千五百五十里康居在大宛西反僅萬二千三百里月氏更在康居西乃止萬一千六百里是其行愈遠其道轉近理所必無亦鑿鑿荒誕之一証也

大宛

西域國治貴山城去長安萬二千五百五十里

大宛為發譯道抵康居

亦西

城國

治樂越懸地到卑闐城去長安萬二千三百里

傳致大月氏

治監氏城去長安萬一千六百

里

大月氏太子為王臣大夏

亦西域國在大宛西南二千餘里

長兵弱畏戰故月氏徙來皆臣之

而君之

居嬌水北地肥饒少寇殊無報胡

之心騫留歲餘竟不能得月氏要領乃還復為匈奴所

得會匈奴亂騫乃逃歸帝拜為大中大夫

騫初行時百餘人去十三

歲唯二人得還

夏六月皇太后崩

合葬陽陵

秋以張湯為廷尉

湯為人多詐舞智以御人時上方鄉文學湯陽浮慕事

董仲舒等以兒寬

兒本鄆以國為氏其後去邑寬千乘人

為奏讞掾以古

法義決疑獄所治卽上意所欲罪予監史

廷尉有左右監獄史

深

刻者卽上意所欲釋予監史輕平者上繇是悅之湯于故人子弟調護之尤厚其造請諸公不避寒暑是以得聲譽汲黯數質責湯于上前曰公爲正卿上不能褒先帝之功業下不能抑天下之邪心何空取高皇帝約束紛更之爲黯時與湯論議湯辯常在文深小苛黯伉厲守高不能屈忿發罵曰天下謂刀筆吏不可以爲公卿果然必湯也令天下重足而立側目而視矣

丁巳

五年十一月丞相澤免以公孫弘爲丞相封平津

鄉名在直

隸

天津府鹽山縣南侯

丞相封侯自此始

漢常以列侯爲丞相此則旣相而後封

時上方興功業

丞相于是開東閣以延賢人與參謀議

丞相身食一肉飯脫粟奉祿以

給故人賓客家無所餘

然其性意思外寬內深諸嘗有隙無近遠

雖陽與善後竟報其過汲黯每面觸之

黯嘗與約議至上前悉背黯約

以順上旨黯廷詰其多詐不忠乃陽謝曰因欲誅之以

事請徙黯為右內史

景帝二年分置左右內史

右內史部中多貴人

宗室難治黯居數歲官事不廢

丞相請禁民毋得挾弓弩上下其議吾邱壽王

對曰臣聞古者作五兵以禁暴討邪聖王合射以明教未聞弓矢之為禁且所謂禁者以盜賊之攻奪而大姦

之于重誅固不避也臣恐邪人挾之而吏不能止良民以自備而抵法禁是擅賊威而奪民救也大不便于是

丞相細服

春匈奴寇朔方遣衛青率六將軍擊走之還以青為大將

軍

匈奴右賢王數侵擾朔方。天子令車騎將軍青將三萬

騎出高闕。

通典高闕在陰山西北。山在今吳喇忒西北。

將軍蘇建

杜陵人。封平陵侯。為

衛尉。

李沮

雲中人。為左內史。

公孫賀

為太僕。

李蔡

廣從弟。為代相。

俱出朔方。

李息

為大行。

張次公

河東人。封岸頭侯。

俱出右北平。右賢王以為

漢兵遠不能至。飲醉。青等夜至。圍之。右賢王驚潰。圍北

去。得裨王

小王。猶裨將也。

十餘人。眾男女萬五千人。畜數十百

萬。于是引兵還。天子使使者即軍中拜青為大將軍。諸

將皆屬焉。益封青八千七百戶。三子皆為列侯。

仇為宜春侯。不

疑為陰安侯。登為發干侯。

青固謝讓功。諸將上乃封諸將校尉侯者

七人。

公孫敖為合騎侯。韓說為龍額侯。公孫賀為南宛侯。李蔡為樂安侯。李朔為涉軹侯。趙不虞為隨成

侯。公孫戎奴。

青尊寵于羣臣無二。公卿以下皆卑奉之。

獨汲黯與亢禮。或說黯曰：「大將軍尊重，不可以不拜。」黯曰：「以大將軍有揖客，反不重邪？」青聞，愈賢黯，數請問國家朝廷所疑，遇黯如于平日。

夏六月，爲博士置弟子五十人。

詔曰：「蓋聞導民以禮，風之以樂，今禮壞樂崩，朕甚閔焉。其令禮官勸學興禮，以爲天下先。于是丞相平津侯等。」

奏請爲博士官置弟子五十人。

太常擇民年十八以上，儀狀端正者，補博士弟子。

子郡國二千石，謹察可者，常與計偕，詣太常受業。

如弟子一歲輒課，第其高下，以補

郎中、文學掌故。

漢舊儀：博士弟子試射策，中甲科補郎中，乙科補掌故，掌故治禮之官，主故事。

者以有文學，習禮儀者爲之，故名。

卽有秀才異等，輒以名聞，其不事學

若下材，輒罷之。又吏通一藝以上者，請皆選擇以補右

職

謂中二千石二千石卒史也

上從之自此公卿大夫士吏彬彬多

文學之士矣

戊午

六年夏四月衛青率六將軍

公孫敖公孫賀趙信蘇建李廣李沮擊匈奴

前將軍趙信

故匈奴小王降漢封翕侯

敗降匈奴

衛青率六將軍再出

四月

定襄

漢郡治成樂故城在今歸化城南

前後

斬首虜萬餘人右將軍建前將軍信并軍逢單于兵與

戰一日餘漢兵且盡信將其餘騎降匈奴建盡亡其軍

脫身自歸大將軍議郎周霸曰自大將軍出未嘗斬裨

將今建棄軍可斬以明威青曰青幸得以肺腑待罪行

間不忠無威職雖當斬將然以臣之尊寵而不敢自擅

誅于境外予以見為人臣不敢專權不亦可乎遂囚建

詣行在所。詔贖為庶人。青姊子霍去病。平陽吏霍仲孺給事平陽侯家。

與衛少兒私通。生去病。少年十八。善騎射。為票姚。讀作飄搖。兒以皇后貴。更為陳掌妻。

校尉與輕勇騎八百。直棄大軍數百里赴利。謂奔趨。便利。斬

捕首虜過當。謂所將人數少。而斬首及捕獲數多。過于所當。于是封為冠軍。河

南陽府鄧州有冠軍城。去病所封以功冠諸軍。故名。侯校尉張騫以知水草處。

軍得不乏。封博望。漢縣。今為驛。侯是歲失兩軍亡翁侯。

止賜千金。單于既得翁侯。以為自次王。信教單于益北。絕幕。以誘罷漢兵。微極而取之。毋近寨。單于從之。

六月。置武功爵。臣瓚曰。茂陵中書有武功爵。一級曰造士。

士。五級曰官首。六級曰秉鐸。七級曰千夫。八級曰樂卿。九級曰執戎。十級曰政戾。庶長。十一級曰軍衛。此武帝所置。

軍功。以寵。

詔曰。五帝之教不相復。而治禹湯之法不同。道而王所

繇殊路而建德一也。今中國一統而北邊未安。朕甚悼

之。日者大將軍攻匈奴。斬首虜。受爵賞。而欲移賣者。無

所流馳。

顏師古曰。馳。物之重次第也。言欲移賣爵而無有差次。不得流行也。

其議爲令。

是歲擊匈奴。大司農經用既竭。故爲此詔。

有司奏請令民得買爵及贖禁錮

免臧罪。置賞官。名曰武功爵。級十七萬。凡直三十餘萬

金。

胡三省曰。賣爵一級爲錢十七萬。自此以上每級加二萬萬錢一金。合成三十餘萬也。

諸買武

功爵至千夫者。得除爲吏。吏道雜而多端。官職耗廢矣。

巳未

元狩元年冬十月祠五時獲一角獸以燎始以天瑞紀

元。

行幸雍祠五時獲獸一角而足有五蹄有司言陛下肅

祇郊祀上帝報享錫一角獸蓋麟云。于是以薦五時時

加一牛以燎。

時以為獲白麟。乃作白麟之歌。又得奇木。其枝旁出。輒復合于木上。上異此二物。博

謀羣臣。終軍上對曰。野獸并角。明同本也。衆枝內附。示無外也。若此之應。將有削左袂。要衣裳。而蒙化者焉。對奏。由是始有司奏言。元宜以天瑞命。一元曰建。二元以議改元。

長星曰光。今元以郊得一角獸曰狩云。

淮南王安。衡山王賜。謀反。自殺。

初。淮南王安。招致賓客。多江淮間輕薄士。常以厲王遷

死。感激安。安乃治戰具。積金錢。郎中雷被。

雷氏。出古。方雷氏後。獲

罪于太子遷。

被善用劍。太子召與戲。誤中太子。故得罪。

時有詔。欲從軍者。輒

詣長安。被即願奮擊匈奴。安斥免之。被遂亡之長安。上

書白明。事下廷尉治。蹤跡連安。上遣中尉即訊安。太子

遷欲使人刺殺中尉。不果。

遷恐漢使即逮安。乃使人衣衛士衣。持戟居安旁。漢使有

非是者。即刺殺之。因發兵反。中尉至。安視其顏色。和遂不發。公卿奏。安格明詔。當棄

市。詔削二縣。安耻之。為反謀益甚。衡山王賜與安故不

相能。

賜聞安有反謀。恐為所并。亦結賓客。使陳喜等作輜車。鍛矢。刻天子璽。將將軍吏印。當入朝。

過淮南。乃昆弟語。除前隙。約束反具。遂謝病不朝。安數

召中郎伍被。

楚人。

與謀反事。

被始以為不可。安固問之。被曰。今諸侯無異心。百姓

無怨氣。可偽為詔。徙郡國豪傑于朔方。又偽為詔獄書。逮諸侯太子幸臣。使民怨諸侯。懼即使辯士隨而說之。儻可微倖。欲使人偽得罪而西事大將軍青。因即刺殺

之。且曰。漢廷大臣獨汲黯好直諫。守節死義。難惑以非。

至如說丞相。等如發蒙振落耳。

韋昭曰。言如發去物上之蒙。振落樹上之葉。取

之至易也。

會太子遷。謀殺漢使事。覺。

安有孽子。不害最長。弗愛。不害之子建。材高有

氣。數怨望太子。乃陰使人告遷。謀殺漢中尉事。廷尉逮捕。安欲發兵。猶豫未決。

伍被自詣吏。具告與安謀反事。上使宗正以符節治安。未至。安自剄。王后太子皆伏誅。有司捕諸與謀反者得。陳喜子衡山王子孝家。先是衡山王以王后徐來言欲廢太子爽而立其弟孝。乃囚太子。佩孝以王印。令交結賓客。與陳喜、校赫等為反計。孝聞律先自告。除其罪。即先自告所與謀反者陳喜、校赫等。公卿請逮。賜治之。賜自剄死。王后太子及孝皆棄市。凡二獄所連引列侯二千石豪傑等死者數萬人。上以伍被雅辭多引漢之美。欲勿誅。廷尉湯曰：「被首為王畫反計。罪不可赦。」乃誅被。侍中莊助素受安賂遺。上薄其罪。張湯以為助出入禁門。腹心之臣。乃與諸侯交私。不誅。後不可治。助竟棄市。

夏四月。立子據為皇太子。

五月乙巳晦。日食。

遣博望侯張騫使西域始通滇國。古荒服地。楚壯驕始開遂留王之。今雲南府是

也。復事西南夷。

初張騫自匈奴還具為天子言西域諸國風俗大宛在

漢正西。其俗土著耕田有城郭室屋如中國。多善馬。馬汗血。顏師古曰大宛國有高山

其上有馬不可得因取五色母馬置其下與集生駒皆汗血因號曰天馬子云。其東北則烏孫

行國與匈奴同俗治赤谷去長安八千九百里。顏師古

曰烏孫于諸戎形最異。今胡人青眼赤鬚狀類彌猴者

皆其種也。東則于闐。治西城去長安九千六百七十里其河多玉石。于闐之西則水

皆西流注西海。水經注河源潛發葱嶺分為二水其一

省曰雷翥海即蒲昌海亦曰渤其東水東流注鹽澤。即蒲昌海亦曰渤

積鄯善之東北龍城之西南地廣千里皆為鹽澤而堅剛

故有鹽澤之稱考今土魯番西南有澤名羅卜淖爾周五百里葱嶺東北之水皆入焉。蓋鹽澤潛行地下其

張騫持賂鑿空所至之地多中閉不通譯語未必盡曉傳聞更多謠舛且以于闐鹽澤為河源所出不知鹽澤乃今塔里母河與河源無涉他可知矣今厄魯特回部並隸版圖凡山川道里實按其地詳詢其人然音義參差猶必幾經審訂始令成書考証之難豈可以耳食為據哉

南則河源出焉

漢書西域傳河有兩源一出葱嶺一出

昌海其水亭居冬夏不增減皆以爲潛行地下南出于

積石爲中國河云考河源不見于經言之者自漢張騫

始然所云于闐葱嶺兩源杜佑歐陽忞等俱斥其非山

海經水經注所紀又荒遠不經唐劉元鼎明釋宗泐所

言稍合又各不同惟元潘昂霄爲都實撰河源志說最

詳本朝康熙間屢遣使臣考求河源測量地度繪入

輿圖河實導源于西番之巴顏喀喇山東各阿爾坦河

東北流三百餘里合鄂敦他拉諸泉匯爲查靈鄂靈二

海子迴環曲屈凡二千三百餘里入河州界爲中國黃

河蓋河源更出火敦腦兒之西視元都實所志更得其

真矣鹽澤去長安可五千里匈奴右方居澤以東南接羌

隔漢道焉大夏在大宛西南

與大宛同俗

前使時見叩竹杖

元和志雅州叩嶺山

蜀布問安得此曰市之身毒

音捐爲孟

康曰卽天竺也後漢書西域傳天竺國一名身毒在月

氏東南俗與月氏同而修浮圖道不殺伐考身毒國自

後漢時號曰天竺唐分爲五天竺又曰五印度地最廣

遠今西藏去四川可數千里其西南之阿里有岡底斯

山蓋卽釋氏所云阿耨達山爲近古天竺云

身毒在大夏東南可數千里其俗

土著與大夏同

度大夏居漢西南今身毒又居大夏東南有蜀

物此其去蜀不遠矣今使大夏從羌中險少北則爲匈

奴所得從蜀宜徑又無寇天子旣聞諸國多奇物而兵

弱貴漢財物誠得而以義屬之則廣地萬里威德徧于

四海欣然以騫言爲然乃令騫因蜀犍爲注見前

發間使

四道並出

出冉出驍出徙出邛峽

指求身毒國各行一二千里

其北

閉氏徃南

終莫得通于是始通滇國

漢使至滇滇王當羌謂曰漢孰與我

大及夜郎侯亦然以道不通故各自以爲一州主不知漢廣大使者還因盛言滇大國足事親附天子注意焉

乃復事西南夷

元朔四年罷西夷至是復通

庚

二年春丞相公孫弘卒以李蔡爲丞相張湯爲御史大

夫

蔡為人在下中取充位天下事皆決于湯。

以霍去病為票

徐廣曰通作驃騎將軍

品秩同大將軍

擊匈奴敗之

去病以票騎將軍將萬騎出隴西擊匈奴轉戰六日過

焉支山

在今甘肅甘州府山丹縣東南西河舊事焉支山水草茂美宜畜牧與祁連同匈奴失此二山

歌曰亡我祁連山使我六畜不蕃息失我焉支山使我婦女無顏色千餘里斬首虜獲甚

衆收休屠

音朽

王匈奴屬王之號今甘肅涼州府漢初為匈奴休屠王地

祭天金

人

顏師古曰作金人以為天神之主而祭之今佛像是其遺法

益封二千戶夏復與

公孫敖將數萬騎俱出北地去病復深入二千餘里踰

居延

漢書地理志張掖郡居延有居延澤古文以為流沙

過小月氏注見前

至祁連山斬首三萬虜獲尤多益封五千戶是時諸宿

將所將兵皆不如去病去病所將常選

謂選取驍銳

然亦敢

深入常與壯騎先其大軍軍亦有天幸未嘗困絕也而

諸宿將常留落不偶

謂遲留零落而不遇合也

由此去病益以親貴

比大將軍矣

是夏衛尉張騫郎中令李廣俱出右北平廣殺匈奴數千人而漢軍死者亦過半故

無賞騫及公孫敖皆以後期當斬贖為庶人

秋匈奴渾邪王

匈奴屬王之號今甘肅甘州府漢初為匈奴渾邪王地

降置五屬國

各依本國之俗而屬于漢故曰屬國以處其眾

匈奴渾邪王殺休屠王

渾邪王休屠王居匈奴西方單于怒其數為漢所殺虜欲召誅

之渾邪休屠恐謀降漢

休屠後悔渾邪遂殺之并其眾降漢詔發車二萬乘迎

之縣官從民貰馬民或匿馬馬不具上怒欲斬長安令

右內史汲黯曰長安令無罪獨斬臣黯民乃肯出馬且

匈奴畔其主而降漢。漢徐以縣次傳之。何至今天下騷

動乎。上默然。及渾邪至。賞賜數十鉅萬。封渾邪萬戶。為

賈人與市者。坐當死五百人。黯請間曰。渾邪率數萬之

衆來降。虛府庫賞賜。發良民侍養。譬若奉驕子。愚民安

知市買長安中。而文吏繩以為闌出財物于邊關。應劭曰。漢

律。胡市吏民不得持兵及鐵出關。雖于京師市買其法一也。殺無知者五百餘人。是

所謂庇其葉而傷其枝者。竊為陛下不取也。上曰。吾久

不聞汲黯之言。今又復妄發矣。居頃之。乃分徙降者邊

五郡。隴西。北地。上郡。胡方。雲中。故塞外。因其故俗。為五屬國。而金城

漢郡。治允吾。故城在今甘肅蘭州府皋蘭縣。河西。黃河

胡三省曰。金城置于昭帝。此言者。史追書也。河西之西

西並南山。即南祁連。注具前。考是山。自葱嶺而東。亘西

繞黃河東入岷州界循渭而南為武功太白諸山。至鹽漢書西域傳云南山東出金城與漢南山屬是也。

澤空無匈奴矣。

明年詔減隴西北地上郡。休屠王太子戍卒之半以寬天下之繇。

日磾。

音密低。

沒入官。輸黃門。

少府屬。

養馬久之。上游宴見馬。

日磾牽馬過殿下。容貌甚嚴。上異而問之。具以本狀對。

即日拜為侍中。以休屠作金人為祭天主。賜日磾姓金。

氏。

辛酉三年春。有星孛于東方。

秋。山東大水。徙其民于關西朔方。

山東被水。民多饑乏。遣使虛倉廩以振。猶不足。又募富

人假貸。尚不能相救。乃徙貧民于關以西。及充朔方以

南新秦中。

應劭曰。秦得匈奴河南地。築城郭。徙民居之。曰新秦中。

七十餘萬口。衣

食皆仰給縣官。數歲貸與產業，使者分部護之，費以億計。

作昆明池。

在西安府長安縣西南。今涸。三輔黃圖：昆明池中有神池，堯時治水，嘗停舟于此。

上將伐昆明。

杜佑通典：昆明在越巂西南，一名昆彌。

以昆明有池，方三百

里。

漢書注：臣瓚曰：昆明國有滇池，通典：昆明以西洱河為境，亦曰昆彌川。漢武像其形鑿池，非滇池也。西

洱河，即古葉榆澤，在今雲南大理府城東，如人耳形，亦曰洱海，方三百里，有三島四洲之勝。乃作昆

明池，以習水戰。故吏弄法者，皆謫令伐棘上林，穿昆明

池。

考漢書西南夷傳：夜郎以西，滇最大，桐師以東，北至葉榆為雋。昆明是滇與昆明，乃兩國。臣瓚以滇池屬

之昆明，非是。杜佑指西洱為昆明之池，蓋承漢書北至葉榆之文也。

得神馬于渥洼。

音握。

水中。

李斐曰：南陽新野有暴利長，遭刑，屯田敦煌界，數于此水旁，見

羣野馬，中有奇者，與凡馬異，來飲此水，利長先作土人持勒絆于水旁，後馬玩習久之，乃代土人持勒絆，收得其馬。

獻之。欲神異此馬。故云從水中出。渥洼水。西域圖誌云。氏置水之支流也。氏置水即今黨河。在敦煌縣南。

帝方立樂府。

顏師古曰。樂府之名起此。

使司馬相如等造為歌詩。以

宦者李延年

李夫人兄。

為協律都尉。絃次以合八音之調。及

得神馬。次以為歌。

其詞曰。太一况。天馬下。霜赤汗。沫流。精志儻。精權奇。籟浮雲。晻上馳。體

容與。逝萬里。今安匹。龍為友。

汲黯曰。王者作樂上以承祖宗下以化

兆民。今陛下得馬。詩以為歌。協于宗廟。先帝百姓能知

其音耶。上默然不悅。

戊壬

四年冬。造皮幣白金。鑄三銖錢。置鹽鐵官。算緡錢。舟車

有司言。縣官用度太空。而富商大賈財或素萬金。不佐

國家之急。請更錢造幣以贍用。而推浮淫兼并之徒。時

禁苑有白鹿。而少府多銀錫。乃以白鹿皮方尺。緣以藻

皮幣。即後世會契鈔之所由。訪蓋欲以埽盜鑄之弊耳。不知錢且盜鑄。幣又

不可盜遺乎

續為皮幣

直四萬朝覲

聘享必以皮幣薦璧然後得行又

造銀錫為白金三品

時議以為天用莫如龍地用莫如

圜之其文龍直三千

次方之其文馬直五百小者橢之其文龜直三百橢地果反

令縣官銷半

兩錢更鑄三銖錢盜鑄者罪皆死于是以東郭咸陽

郭東

以地為氏咸陽孔僅

南陽為大農丞

大農令有兩丞領鹽鐵事

桑弘羊

桑氏秦大夫子桑之後弘羊洛陽賈人子

以計算用事三人言利事

悉秋毫禁民敢鑄鐵器煮鹽者欽

徒計反

左趾

以鐵為鉗著左足以

代沒入其器物又令諸賈人末作各以其物自占

各隱度其

財物之多少為名簿送之于官

率緡錢二千而一算

緡絲也以貫錢一貫千錢出算二十

也及民有船車者皆算

皆平作錢數每千錢一算

匿不自占占不悉

戍邊一歲沒入緡錢有能告者以其半畀之其法大抵

皆出張湯。湯每朝奏事。語國家用。日旰。天子至忘食焉。
以下式爲中郎。賜爵左庶長。

初。河南卜式。數輸財助邊。上使使問式欲官乎。曰。不願。
有冤欲言乎。曰。無所欲言。如此何欲。曰。天子誅匈奴。愚
以爲賢者宜死節于邊。有財者宜輸委。而匈奴可滅也。
上由是賢之。欲尊顯以風百姓。乃召拜式爲中郎。賜爵

左庶長。田十頃。布告天下。使明知之。

式先牧羊山中。十餘年。羊致千餘頭。

及爲郎。不願仕。上曰。吾有羊在上林中。欲令子牧之。式
布衣少躋而牧羊。歲餘羊肥息。上過而善之。式曰。非獨
羊也。治民亦猶是矣。以時起居。惡者輒去。毋令敗
羣。上奇其言。以爲織氏令。民便之。未幾擢爲齊相。

春。有星孛于東北。

夏。長星出西北。

遣衛青霍去病擊匈奴。青部前將軍李廣失道自殺。去病

封狼居胥山。

右漠北今喀爾喀地。

而還。詔以青去病皆為大司馬。

是年

始置以冠將軍之號。

上與諸將議。大發士卒。粟馬十萬。令大將軍青票騎將

軍去病。各將五萬騎。擊匈奴。

青出定襄去病出代郡。

李廣請行。上

以其老。弗許。良久許之。

陰戒大將軍以廣老數奇毋令當單于。

以為前將

軍。公孫賀為左將軍。趙食其

音異箕主爵都尉。

為右將軍。曹襄

平陽侯。

為後將軍。皆屬大將軍。青既出塞。捕虜。知單于所

居。乃自以精兵走之。而令前將軍廣併于右將軍軍。出

東道。廣請曰。臣部為前將軍。今大將軍乃徙令出東道。

臣願居前。先死單于。青以受上誡。不聽。廣遂行。青度幕

驢父馬母而生驢騾非塞外所有以驢非塞外所有也今驢至塞外率多倒斃而馬則塞外之良產古之匈奴即今之蒙古單于不乘馬而乘騾乃必無之事即此知史之多僞

見單于兵陳而待。于是令武剛車兵車也。有甲有蓋。自環爲營。

而縱五千騎往當匈奴。匈奴亦縱可萬騎會日且入。大

風起。砂礫擊面。兩軍不相見。漢益縱左右翼繞單于。單

于視漢兵多。度不能戰。遂乘六騾冒圍而去。漢發輕騎

夜追之。不得單于。捕斬首虜萬九千級。遂至真顏山。趙

信城。俱在喀爾喀地。城。趙信所築。故名。燒其積粟而還。廣與食其軍無

導。惑失道。後期。大將軍還過幕南。乃遇之。責廣之幕府

對簿。廣謂其麾下曰。廣結髮與匈奴七十餘戰。今幸接

單于兵。而大將軍徙廣部。行回遠。而又迷失道。豈非天

哉。且廣年六十餘矣。終不能復對刀筆之吏。遂自剄。廣

爲人廉。得賞賜。輒分其麾下。爲二千石四十餘年。家無

餘財將兵乏絕之處見水士卒不盡飲廣不近水不盡

食不嘗食士以此愛樂為用及死一軍皆哭百姓聞者

無老壯皆為流涕食其下吏當死贖為庶人去病出代右北平二十

餘里絕大幕直左方兵匈奴諸左王將居東方獲王將相等八十

餘人封狼居胥山禪于姑衍山名在漠北登臨瀚海在蘇尼特之北

喀爾喀之南其西接伊犁界斬七萬級功多于大將軍青既皆還去病

益封五千八百戶青不得益封置大司馬位青去病皆為之自是青日退而去病

日益貴去病為人少言不泄有氣敢往帝嘗欲教之孫吳兵法對曰顧方畧何如耳不至學古兵法帝為治第

令視之對曰匈奴未滅無以家為帝益愛重之青為人仁喜士退讓以和柔自媚于上兩人志操如此是

時漢所殺虜匈奴合八九萬而漢士卒物故亦數萬是

後匈奴遠遁而幕南無王庭匈奴所都處為庭漢渡河自朔方

以西至令居

漢縣故城在今甘肅涼州府平番縣

往往通渠置田官稍蠶

食匈奴以北然亦以馬少

先兩軍出塞官私馬十四萬匹復入塞者乃不滿三萬匹

不復大出擊匈奴矣

以義縱

河東人

為右內史王溫舒

陽陵人

為中尉

初縱為南陽太守按甯成家破之成坐免南陽吏民重

足一迹

言累足也

後徙定襄方至掩獄中重罪輕繫及私入

視者壹切捕鞠曰為死罪解脫是日皆報殺四百餘人

郡中不寒而栗

時趙禹張湯以深刻為九卿然其治尚輔法而行縱專以鷹擊為治是歲

汲黯免乃以縱為右內史溫舒始為廣平

今直隸廣平府是

都

尉盜賊不敢近廣平遷守河內以九月至令郡具私馬

五十匹為驛捕郡中豪猾相坐二千餘家上書請大者

至族小者乃死。奏行不過二三日得可。事論報至流血
十餘里。盡十二月。郡中無聲。會春。溫舒頓足嘆曰。嗟乎。
令冬月得益展一月。足吾事矣。上聞之。以爲能。擢中尉。
溫舒所爲。弗先言縱。縱必以氣陵之。然縱廉。其治效郅
都。時楊可方受告緡。時下告緡令。人有告緡者。可方受之。縱以爲此亂
民。部吏捕其爲可使者。上以縱爲廢格沮事。棄縱市。溫
舒少文。居它惛惛不辨。至中尉則心開。故善誦。有執家。
雖有姦如山。弗犯。無執。雖貴戚必侵辱。後徙右內史。復
行中尉。會發兵大宛。詔徵豪吏。溫舒匿之。人告溫舒受
吏錢。及它姦利事。罪至族。自殺。其時溫舒兩弟及兩婚
家亦各自坐它罪而族。光祿勳郎中令更名。徐自爲曰。悲夫。

古有三族。而王溫舒罪至同時而五族乎。

溫舒與弟同三族。而兩婚

家合一。故爲五也。

方士文成將軍少翁伏誅。

齊人少翁以鬼神方見上。上有所幸王夫人。

齊王閼之母。卒。

少翁以方夜致鬼。如王夫人之貌。天子自帷中望焉。于是拜少翁爲文成將軍。以客禮之。文成又勸上爲臺室。而置祭具。以致天神。居歲餘。其方益衰。乃爲帛書以飯牛。陽不知。言曰。此牛腹中有奇。殺視得書。書言甚怪。天子識其手書。于是誅之。

癸亥五年春三月。丞相蔡有罪自殺。

坐盜孝景園塹地也。

罷三銖錢重鑄五銖錢。

有司言三銖錢輕易作姦詐請鑄五銖錢周郭其質令不可摩鎔。

以汲黯爲淮陽太守。

于時民盜鑄錢楚地尤甚乃召拜汲黯爲淮陽太守黯曰臣自以爲填溝壑不復見陛下不意復收用之臣常有狗馬病力不能任郡事臣願爲中郎出入禁闥補過拾遺臣之願也上曰君薄淮陽耶吾今召君矣顧淮陽吏民不相得吾徒得君之重卧而治之黯旣辭行過大逐居郡不得與朝廷議矣御史大夫湯內懷詐以御主心外挾賊吏以爲威重公列九卿不蚤言公與之俱受戮矣息終不敢言黯居淮陽十歲而卒及湯敗帝抵息罪

夏四月以莊青翟

高祖功臣武彊侯莊不為丞相識孫嗣侯為太子少傅

甲子六年冬十月雨水無冰

夏四月廟立

顏師古曰于廟中策命之

子閔為齊王旦為燕王胥為廣

陵王初作誥策

三王同日立賜策各以國土風俗申戒

閔立八年薨無子國除旦胥後

俱以罪自殺事具後

秋九月大司馬票騎將軍冠軍侯霍去病卒

諡曰景桓

帝甚悼之令為冢像祁連山初去病為票騎將軍擊匈奴

道出河東迎見其父霍仲孺

仲孺自平陽侯家歸絕不相聞去病既壯大始

自知為仲孺子

時仲孺已娶婦生子光

字子孟

去病大為父買田

宅奴婢將光西至長安任為郎稍遷至奉車都尉帝置掌御

乘輿光祿大夫。即中大更名。

殺大農令顏異。

邾俠之後夷父字顏子孫因以爲氏異濟南人。

初異以廉直至九卿。上旣造白鹿皮幣。問異。異曰。今王侯朝賀。蒼璧直數千。而皮幣反四十萬。本末不相稱。上不悅。人有告異它事。下張湯治異。與客語。客言初令下有不便者。異不應。微反唇。湯奏當異九卿見令不便。不入言而腹誹。論死。自是之後。有腹誹之法。比而公卿大夫多諂諛取容矣。

御批歷代通鑑輯覽卷之十六

漢

世宗孝武皇帝

乙丑元鼎元年

應劭曰。以得寶鼎。故改元。通鑑考異。寶鼎得于四年六月。而改元則于是年。蓋亦如建元

元光。後來追敘之耳。漢書因改元。遂于元年。誤增得鼎一事。考漢書武帝紀。元鼎元年夏五月。得鼎汾水上。四年六

月。得寶鼎后土祠旁。其書法有得鼎得寶鼎之不同。似兩得鼎而並紀之者。且自元狩以後。皆以瑞紀元。何待追敘

今仍夏五月得鼎汾水上

漢書丙寅二年冬十一月。張湯有罪。自殺。十二月。丞相青翟下獄

自殺。

初。御史中丞李文

河東人。

與湯有隙。湯所厚吏魯謁居陰

使人告文姦事。事下湯治。論殺之。上問變事從

師古曰。讀曰蹤。

迹安起。湯心知謁居爲之。陽驚曰。此殆文故人怨之。謁

居病。湯親爲之摩足。趙王素怨湯。告湯大臣。乃與吏摩

足。疑與爲大姦事。下廷尉。謁居病死。事連其弟。弟告湯

與謁居謀共變。告李文。事下減宣。楊人爲左內史。窮竟未奏。會

盜發孝文園瘞錢。丞相青翟與張湯約俱謝。至前。湯獨

不謝。上使御史案丞相。湯欲致其文丞相見知。欲以見知故縱

之罪罪丞相。丞相長史朱買臣王朝。齊人。邊通。邊氏出周大夫邊伯。皆

怨恨湯。三長史素貴。居湯右。已而失官。守長史。湯數行丞相事。常陵折之。故怨。欲死之。乃

與丞相謀。使吏案捕賈人田信等。曰。湯且欲奏請。信輒

先知之。居物致富。與湯分之。事辭頗聞。上問湯曰。吾所

爲。賈人輒先知之。益居其物。是類有以吾謀告之者。湯

不謝。又陽驚曰。固宜有減。宣亦奏謁居事。上以湯懷詐。一面欺。使趙禹切責湯。湯乃爲書謝。因曰。陷臣者三長史也。遂自殺。湯既死。家產直不過五百金。昆弟諸子欲厚葬湯。湯母曰。湯爲天子大臣。被污惡言而死。何厚葬乎。載以牛車。有棺無槨。上聞之。乃盡案誅三長史。丞相青翟下獄自殺。

春。起栢梁臺。

在今西安府長安縣故城內。以栢爲梁。故名。

作承露盤。

在長安縣西北故建

章宮內。

盤高二十丈。大七圍。以銅爲之。上有仙人掌。以承露。和玉屑飲之。可長生云。

二月。以趙周爲丞相。

三月大雨雪。

夏大水。關東饑。

置均輸。

大農令屬有均輸令丞。孟康曰。諸州郡所當輸于官者。皆令輸其土地所饒。平其所在時價。官自轉

遷于所無之地賣之。輸者既便。而官有利。禁郡國鑄錢。

孔僅爲大農令。而桑弘羊爲大農中丞。稍置均輸。以通

貨物。悉禁郡國無鑄錢。專令上林三官鑄。

裴駰曰。水衡都尉掌上林

苑。屬有上林。鍾官。辨銅令。然則上林三官。其是此三令乎。

非三官錢不得行。而民鑄

益少。計其費不能相當。惟真工大姦。乃盜爲之。

西域始通。置酒泉。

治表是。今甘肅肅州高臺縣是。應劭曰。其水若酒。故名。

武威。

治姑臧。今

甘肅涼州府。武威縣是。郡。

張騫建言。烏孫王昆莫。

王之號。名獵驕靡。

本爲匈奴臣。後兵稍

彊不肯復朝事匈奴。今單于新困于漢，而故渾邪地空

無人，誠以厚幣賂烏孫，招居故渾邪之地，則是斷匈奴

右臂也。既連烏孫，自其西大夏之屬，皆可招來而為外

臣。上以為然，拜騫為中郎將，將三百人。多持節副使。齎金幣帛，直

數千巨萬，騫至烏孫，致賜諭指，未能得其決，因分遣副

使，使大宛、康居、大月氏、大夏。注俱見前。安息。治番兜城，去長安萬一千六百

里。其屬大小數百城。地方數千里，最大國也。身毒。注見前。于闐。注見前。考于闐國在蔥嶺之北。

今同部之和闐也。有河出其南山，即于闐河。北流合

爾羌之塔里母河。河出蔥嶺，即蔥嶺河。又折而東，匯于

羅布淖爾，即古所稱河源。注于鹽澤者也。及諸旁國，烏孫發譯道送騫還，使

數十人，馬數十匹。烏孫多馬，富人至四五千匹。隨騫報謝，是歲騫還

後歲餘，所遣使通大夏之屬者，皆頗與其人俱來。于是

西域始通于漢矣。西域凡三十六國。

其後稍分至五十餘。

南北有

大山。

南山。即南祁連。北山。即北祁連。

中央有河。

即于闐河。

東西六千餘里。南

北千餘里。東則接漢玉門。

元和志。玉門故關。在龍勒縣西。為西域門戶。

龍勒故城。

在今安西府敦煌縣西。

陽關。

在今敦煌縣西南。元和志。以居玉門關之南。故曰陽關。

西則限

以葱嶺。

在葉爾羌西南。南北兩山。皆其分支。西河舊事。葱嶺在敦煌西八千里。其山高大。上悉生葱。故名。明一統志。葱嶺高數千

丈。番名塔兒塔石打班。

自玉門陽關出西域。有兩道。

從鄯善。

本樓蘭。後更名。治扞泥城。去長安六千一百里。

旁南山。循河西行。至莎

車。

有前後王庭。前王治交河城。去長安八千一百五十里。後王治務塗谷。去長安八千九百五十里。

為

南道。南道西踰葱嶺。則出大月氏。安息。自車師前王庭。

隨北山。循河西行。至疏勒。

治疏勒城。去長安九千三百五十里。

為北道。北

道西踰葱嶺。則出大宛。康居。奄蔡。

在康居西北。可一千里。與康居同俗。國臨

大澤無涯。故皆役屬匈奴。匈奴賦稅諸國。取富給焉。烏

孫既不肯東還。乃于渾邪故地。置酒泉郡。稍發徙民以

充實之。又置武威郡。以絕匈奴與羌通之道。後使西域

奴時遮擊之。乃分武威酒泉地。更置張掖。敦煌二郡。

張掖治。今甘州府張掖縣是。敦煌治。今敦煌。注見上。

丁卯三年夏四月雨雹

關東饑

被災郡國凡十餘人相食

戊辰四年冬十一月立后土祠于汾陰注見前。雕上。亦曰雕邱。在今山西

蒲州府榮河縣北。親祠之。始巡郡國。

先是上祠五時。詔曰。今上帝朕親郊。而后土無祀。則禮

不答也。

謂闕地祇之祀。不爲神所答應。

其令有司議之。于是立后土祠。

于汾陰睢上。

顏師古曰。以形高起。如人尻睢。故名。

上親望拜。如上帝禮。禮

畢。遂至滎陽。始巡幸郡國。

封周後姬嘉爲周子南君。

顏師古曰。子南。封邑之號。以爲周後。故曰周子南君。

上過洛陽。求周後。得嘉。封爲周子南君。以奉周祀。

夏。以方士欒大爲五利將軍。尚公主。

方士欒大。

膠東王家人。故嘗與文成同師。上方悔誅文成。樂成侯丁義乃薦大。

敢爲大言。

處之不疑。見上曰。臣嘗往來海上。見安期羨門之屬。曰。

黃金可成。而河決可塞。不死之藥可得。仙人可致也。然

臣恐效文成。徒爲方士掩口。上曰。文成食馬肝死耳。子

能修其方。我何愛乎。大曰。臣師非有求人。人自求之。陛

下必欲致之。則貴其使者。令為親屬。以客禮待之。乃可使通言于神人。時上方憂河決。而黃金不就。乃拜大為五利將軍。封樂通侯。食邑。賜甲第。以衛長公主衛太之齋金十萬斤。上親幸其第。自竇太主將相以下。皆獻遺之。大見數月。凡佩六印。天士地士。大通五利。四將軍。及侯。帝又刻玉印授之。曰天道將軍。天道者。為天子道。天神也。貴震天下。而海上燕齊之間。莫不搃捉持腕。自言有禁方。能神仙矣。明年。大坐誣罔。要斬。人為入海求其師。乃之泰山。上使人隨驗。實無所見。而大妄言見其師。方又多不售。遂誅之。六月。得大鼎。后土祠旁。

汾陰巫錦。

錦。巫名。

得大鼎于魏脰。

汾陰本魏地。故曰魏脰。

后土營。

祠

兆旁。

錦。拾地得鼎。鼎大異于眾。域。鼎文鏤無欺識。怪之。告吏。

河東太守以聞。上以禮

祠迎鼎至甘泉從上行薦之郊廟羣臣皆賀

時羣臣皆言得周鼎

吾邱壽王獨以為非周鼎上召而問之壽王對曰昔秦

始皇親出鼎于彭城而不能得今天祚有德而鼎自出

此天之所以與漢乃漢寶非周寶也上曰善于是作寶鼎之歌是秋齊人公孫卿以漢

得寶鼎與黃帝時等

漢得寶鼎其冬辛巳朔旦冬至黃帝得寶鼎是歲冬己酉朔旦冬至

乃為札書因嬖人奏之上召問卿卿言漢興復當黃帝

之時寶鼎出而與神通當封禪封禪則能仙登天矣

卿又

言黃帝採首山銅鑄鼎荆山下鼎既成有龍垂胡鬚下

迎黃帝上騎與羣臣後宮七十餘人俱登天于是上曰

嗟乎誠得如黃帝乎乃拜卿為郎後二年卿候神河南

視去妻子如脫屣耳

帝親往視謂卿得毋效文成五利乎卿曰仙者非有

求人主

人主自求之其道非寬假神不來積以歲月乃

可致也

以兒寬為左內史

寬為治。勸農桑。緩刑罰。理獄訟。務在得人心。擇用仁厚

士。推情與下。不求聲名。吏民大信愛之。收租稅。時裁濶

狹。與民相假貸。胡三省注。濶。謂禁防疏濶之時。狹。謂督促迫急之時。濶時不急徵收。與民相假

貸也。以故租多不入。後有軍發。左內史以負租課殿。課下曰

殿。當免。民聞皆恐失之。大家牛車。小家擔負。輸租繹屬

言輸者如繩之相聯屬。不絕。課更以最。課上上曰最。上由此愈奇寬。

已巳五年。冬十月。帝祠五時。遂獵新秦中。以勒邊兵。

上祠五時于雍。遂踰隴。隴。坻也。亦曰隴坂。在今甘肅秦州分水縣。三秦記。其坂九曲。上

者七日。西登崆峒。注見前。北出蕭關。注亦見前。從數萬騎。獵新

秦中。以勒邊兵而歸。新秦中或千里無亭徼。既無亭候。又不徼循。

于是誅北地太守以下。

立泰一。

注見前。

及五帝祠壇于甘泉。十一月辛巳朔冬至親

郊見。

昧爽天子始郊拜泰一朝朝日夕夕月皆揖。

是為泰時。自是三歲。

天子一郊見。

南越相呂嘉弑其王興更立建德為王發兵反遣將軍路

博德

西河平州人。

等將兵討之。

先是上遣使諭南越王入朝。

建元時南越太子嬰齊入宿衛在長安取膠氏女生

子興後嬰齊嗣王立。其母為太后。太后故嘗與霸陵人安國少季通。帝使

少季在諭王及太后入朝。比內諸侯。南越王太后勸王及羣臣內屬。少季

至越復與太后私通。國人頗知之。即因使者上書請比

多不附太后。太后倚漢威故數勸。事在四年。至是太后與

內諸侯三歲一朝除邊關天子許之。

王飭治行裝重齎爲入朝具其相呂嘉數諫不聽因稱病不見漢使者太后欲誅之嘉遂與其大臣謀作亂未

發會漢使韓千秋及膠樂

即太弟

將二千人入越境嘉遂

反

下令國中曰王年少太后中國人又與使者亂無顧趙氏社稷爲萬世慮計之意

將卒攻殺

王太后及漢使者立明王

嬰齊

長男越妻子建德爲王

韓千秋兵破數小邑未至番禺四十里越以兵擊千秋

等遂滅之使人函封漢使者節置塞上發兵守要害處

上聞南越反下詔發樓船十萬師往討之伏波將軍路

博德出桂陽

漢郡治郴今湖南郴州是

樓船將軍楊僕

宜陽人

出豫章

注見前

戈船將軍歸義越侯嚴出零陵

漢郡治零陵今湖南永州府零陵縣

是下瀨將軍甲

甲與嚴皆越人歸漢者

下蒼梧

今廣西梧州府是時漢尚未置郡

越馳義侯遺

亦越人

發夜郎兵下牂柯江

注見前

咸會番禺

夏四月丁丑晦日食

秋九月嘗酎

嘗秋祭酎直救反三重釀酒也

列侯百有六人皆奪爵丞相

周下獄自殺

時齊相卜式上書請父子與齊習船者往死南越詔褒

美式賜爵關內侯布告天下天下莫應諸列侯以百數

亦莫求從軍擊越會九月嘗酎列侯以令獻金助祭

張晏

曰正月旦作酒八月成名曰酎武帝因八月嘗酎會諸侯廟中出金助祭所謂酎金也

少府省金

金有輕及色惡者上皆令劾以不敬奪爵者百六人丞

相趙周坐知列侯酎金輕下獄自殺

以石慶為丞相

封牧邱侯食邑平原

爵金已非善表以此除中
無應詔攻越者益可笑矣

時九卿更進用事。事不關決于丞相。慶醇謹而已。

庚午

六年冬。討平西羌。

後漢書西羌傳。羌出三苗。舜竄之三危。河關西南羌是也。

先零羌。

羌無弋爰劍之後。留居湟中者二十餘種。先零罕丹之屬皆是。音憐。

與匈奴通。

合衆十餘萬。共攻令居。

注見前。

安故。

漢縣。注見前。

遂圍枹罕。

漢縣。

故城在今蘭州府河州。

詔發卒十萬人。遣將軍李息。郎中令徐自

爲。擊平之。始置護羌校尉統領焉。

平南越。置九郡。

楊僕入越地。先陷尋陁。

史記索隱。在始興郡西北。破石始興郡。今廣東韶州府是。

門。

山名。在廣州府城西北江中。兩山對峙如門。故名。

待博德至。俱進。至番禺南。

越城守。會暮。僕縱火燒城。博德遣使招降者。賜印綬。復

縱令相招。黎旦。城中皆降。建德嘉已夜亡入海。博德遣

人追得之戈船下瀨。夜郎兵未下。南越已平矣。

時帝將幸緱氏。

至左邑桐鄉。聞南越破。以為聞喜縣。至汲新中鄉。得呂嘉首。以為獲嘉縣。

遂分南越地置南

海。

治番禺。今縣。廣州府治。

蒼梧。

治廣信。今蒼梧縣。廣西梧州府治。

鬱林。

治布山。今貴縣。屬廣

西潯。

合浦。

治徐聞。今海康縣。屬廣東雷州府。今徐聞縣。唐時析置。

交趾。

治羸樓。九音連受。

真浦。

日南。

治朱吾。交趾下三郡。今為安南國地。

珠崖。

茂陵書治驛都。地在今廣東瓊州府。

瓊山。

儋耳。

元和志。治義倫。今瓊州府儋州是。考珠崖儋耳。元封元年始開。昭帝時省儋耳。元帝時罷

珠崖。改漢書地理志不載。

凡九郡。

平西南夷置五郡。

越馳義侯發南夷兵。且蘭。

今貴州平越府平越縣。故且蘭侯邑。

君反。殺使

者。令巴蜀罪人當擊南越者。擊之。誅且蘭君。及邛君。俾

君。遂平南夷。為牂柯郡。

治故且蘭侯邑。

夜郎侯入朝。上以為

夜郎王西夷冉駹之屬。注：冉駹，見前。皆振恐，請臣置吏，乃

以邛都為越雋郡。治邛都，故城在今四川寧遠府西昌縣。笮為沉黎郡。治

邛都，注見前。冉駹為汶山郡。治汶江，今四川宣帝時省。廣漢

漢郡，今四川成都府漢州是。西白馬。地名，見前。為武都郡。治武都，今甘肅階州成縣是。

秋，東越王餘善反，遣將軍楊僕等將兵討之。

先是，東越王餘善請從樓船擊呂嘉，至揭陽。今縣，屬廣東潮州府。

本漢以海風波為辭，陰使南越楊僕上書，願便引兵擊

東越，上不許，令屯豫章梅嶺。在江西南昌府新建縣西，上有梅仙壇。以待

命。餘善聞樓船請誅之，遂反，發兵距漢道，號其將軍曰

吞漢，自稱武帝。上欲復使楊僕將，為其伐前勞，以書敕

責之。僕惶恐，願效死贖罪。乃遣橫海將軍韓說、出句章

漢縣，故城在今浙江寧波府慈谿縣。

浮海，僕出武林。

史記索隱：豫章北接番陽界，有武昌亭。

東南地名，武林當閩越之京道。

今江西饒州府餘干縣東北，有武陵山，即古之武林。

楊僕出師處。

王溫

舒出梅嶺，越侯出若邪。

山名，在浙江紹興府會稽縣南，下有溪。

白沙。

今浙江

州府樂清縣有白沙嶺，上有關，為水陸要衝。

以擊東越。明年，繇王居股殺餘

善，以其衆降。上以閩地險阻，數反覆，乃詔諸將悉徙其

民于江淮間，遂虛其地。

以下式為御史大夫。

式言：郡國民多不便，縣官作鹽鐵，苦惡價貴。

鹽苦鐵惡，而價又貴。

疆令民買之，而船有算，商者少，故貴。上不悅，未幾以式

不習文章，貶太子太傅。

辛未元封元年。應劭曰。始封泰山。故改元。考是歲改元。在四月。冬十月。帝出長城。登

單于臺。在今歸化城西。勒兵而還。

詔曰。南越東甌。咸伏其辜。西蠻北夷。頗未輯睦。朕將巡

邊。垂躬秉武節。置十二部將軍。親帥師焉。乃行自雲陽。

北歷上郡。注俱見前。西河。漢郡。治富昌。故城在今鄂爾多斯左翼前旗。後漢移郡治離石。今山

西汾州府永寧州是也。五原。漢郡。治九原。注見前。出長城北。登單于臺。至

朔方。臨北河。通典。河自九原以東。謂之北河。勒兵十八萬騎。旌旗徑千

餘里。遣使者郭吉告單于曰。南越王頭已縣于漢北闕。

單于能戰。天子自將待邊。不能。亟來臣服。何但亡匿幕

北苦寒之地。爲單于怒。留吉。上乃還。祭黃帝冢于橋山。

上曰。吾聞黃帝不死。今有冢。何也。公孫卿曰。黃帝已仙上天。羣臣思慕。葬其衣冠。上嘆曰。吾後升天。羣臣亦當

相如封禪書虛詞濫說固
無足議兒寬以經術見用
亦從而附和之則所謂經
生者何居

葬吾衣冠于東陵乃釋兵還甘泉。
乎。橋山。注見前。

帝自制封禪儀成以兒寬為御史大夫。

初司馬相如病且死有遺書勸上封泰山會得寶鼎上
乃令諸儒采尚書周官王制之文草封禪儀數年不就
以問兒寬寬曰封泰山禪梁父昭姓考瑞帝王之盛節
也然享薦之儀不著于經非羣臣之所能列唯天子建
中和之極兼總條貫金聲而玉振之以順成天慶垂萬
世之基上然之乃自制儀采儒術以文焉既成將用事
拜寬為御史大夫。

春正月帝東巡祭中嶽。
注見前。遂如海上求神仙夏四月封

泰山禪肅然。
泰山東麓在山東泰安府萊蕪縣東北今稱為宿巖山。復東北至碣石

注見而還

帝東幸緱氏

漢縣故城在今河南府偃師縣

禮祭中岳。從官在山下。聞

若有呼萬歲者三

祀祠官加增太室祠。以山下戶三百爲泰邑名曰崇高。

行至泰

山。山草木葉未生。

令入上石立之山巔。

遂東巡海上。禮八神。

注見前。

益發船。令言海中神山者求蓬萊。

公孫卿言。夜見大人長數丈。就之則不見。

見其跡甚大。羣臣又言。見一老父牽狗。言吾欲見巨公。已忽不見。上卽見大跡。未信。及羣臣言老父。則大以爲

仙人也。

予方士傳車。及間使求仙人。皆以千數。四月。還至

奉高。

漢縣泰山郡治。宋改奉符。今日泰安。爲泰安府治。

令侍中儒者行事。封泰

山下東方。如郊祠泰一之禮。

封廣丈二尺。高九尺。其下則有玉牒書書秘。

禮

畢。天子獨與侍中奉車都尉霍子侯

去病子。

上泰山。亦有

封。其事皆禁。明日。下陰道。

山北爲陰。

禪泰山下。趾東北肅然。

山如祭后土禮

江淮間茅三脊為神藉五色土益雜封其封禪祠夜若有光晝有白雲出封中

上還坐明堂

臣瓚曰泰山東北陞古時有明堂則此所坐者

羣臣上壽頌功德

詔改今年為元封元年大赦天下上既已封泰山無風

雨而方士更言蓬萊諸神若將可得于是上欣然庶幾

遇之復東至海上望焉

上欲自浮海求蓬萊羣臣諫莫能止東方朔曰夫仙人得之自

然不可躁求若其有道不憂不得若其無道雖至蓬萊見仙人亦無益也臣願陛下第還宮靜處以須之仙人

將自至

上乃止會奉車霍子侯暴病一日死乃遂去並海上北

至碣石歷北邊至九原五月還甘泉

賜桑弘羊爵左庶長

先是桑弘羊為治粟都尉領大農盡榦

音管專主之也

天下鹽

鐵乃置大農部丞數十人分主郡國令遠方各以其物

如異時商賈所轉販者為賦而相灌輸置平準

官名屬大農有

令于京師都受天下委輸貴即賣之賤即買之欲使富

商大賈無所牟大利而萬物不得騰踊至是巡狩所過

賞賜用帛百餘萬匹錢金以鉅萬計皆取足大農弘羊

又請令吏得入粟補官及罪人贖罪民不益賦而天下

用饒于是賜弘羊爵左庶長

是時小旱上令官求雨卜式言曰縣官當食租衣稅

而已今弘羊令吏坐市列肆販物求利烹弘羊天乃雨

秋有星孛于東井又孛于三台

魁下六星兩兩而比曰三台

望氣王朔言候獨見填星

填讀曰鎮土星也

出如瓜食頃復入

有司皆曰陛下建漢家封禪天其報德星云

德星即填星也史記

作旗

明年帝祠五時還祠泰一以拜德星

壬申二年春帝如東萊

漢郡治掖今山東萊州府掖縣是

還臨塞決河築宣

防宮

在直隸大名府開州西南

公孫卿言見神人東萊山若云欲見天子于是幸緱

氏遂至東萊宿留數日無所見見大人跡云時歲旱天

子既出無名乃禱萬里沙

在萊州府掖縣東北寰宇記夾萬歲水兩岸皆沙舊有祠

過祠泰山還過瓠子瓠子河決已二十餘年不塞上自

臨決河沈白馬玉壁令羣臣從官自將軍以下皆負薪

寘決河時東郡燒草以故薪柴少而下淇園之竹以爲

楫

樹竹以塞決口令密而以土填之

卒塞瓠子築宮其上名曰宣防

上初

臨河決悼功之不成作瓠子之歌既塞乃築宮

道河北行二渠

注見復禹舊迹

梁楚之地復寧無水灾

瓠子之決踰二十年始則蔽於田蚡而委之天事既則惑於五利而俟之神仙至此始親臨督塞然梁楚之被害斯已久矣

夏帝還長安。

越人勇之

越人名。

言越俗祠皆見鬼有效。東甌王敬鬼得

壽百六十歲。乃命立越祠。亦祀天神上帝百鬼。而用雞

卜。

越俗執雞以禱所占殺之。拔其骨視骨上之孔以驗吉凶。

公孫卿復言。仙人好樓

居。于是上令長安作蜚廉觀。

在故長安城中。應劭曰。蜚廉。在故長安城中。應劭曰。蜚

甘泉作通天臺。

三輔黃圖。臺高百餘丈。若與天通。

使卿持節設具而候

神人。更置甘泉前殿。夏有芝生殿房內中。

芝九莖連葉。內中。後庭之

室。

詔赦天下。

作芝房之歌。

朝鮮

注見前。

襲殺遼東

注見前。

都尉。遣將軍楊僕。荀彘。將兵伐

之。

朝鮮在戰國時。故屬燕。秦為遼東外徼。漢興。為其遠難

守復修遼東故塞至沮水

在朝鮮國平壤城東今日大通江

為界屬燕

國燕王盧綰反入匈奴燕人衛滿亡命聚黨椎結蠻服

東走出塞度沮水居秦故空地役屬諸夷及燕齊亡在

者

師古曰燕齊之人亡居此地

王之都王險

即平壤城箕子故都今朝鮮國為平壤府孝

惠高后時遼東太守約滿為外臣保塞以故滿得侵降

其旁小邑方數千里傳子至孫右渠所誘漢亡人滋多

又未嘗入見辰國

即辰韓韓有三種曰馬韓辰韓弁韓

欲上書見天子又

雍闕不通是歲漢使涉何譙

責讓也

諭右渠終不肯奉詔

何去至沮水刺殺送者歸報天子曰殺朝鮮將上以其

名美拜何遼東東部都尉朝鮮怨何發兵攻襲殺之上

募天下死罪為兵遣樓船將軍楊僕從齊浮渤海左將

軍荀彧出遼東以討朝鮮

旱

上以旱為憂公孫卿曰黃帝時封則天旱乾音干封三

年上乃下詔曰天旱意乾封乎蘇林曰謂天旱之意欲新封之土乾燥乎

秋作明堂于汶上

汶水之上也水經注北汶水東南流逕明堂下今泰安府南有泮河即北汶

水東南流入大汶

上欲作明堂未曉其制度濟南公玉帶史記索隱公玉

通齊湣王臣有公玉冉帶其後也

上黃帝明堂圖中有一殿四面無壁以茅蓋通水圜宮垣

為複道上樓從西南人命曰昆侖

于是上令奉高作明堂汶上如帶圖

遣將軍郭昌發兵擊滇滇王降置益州郡治滇池今雲南府是

初上使王然于諭滇王入朝滇王眾數萬人其旁東北

勞深靡莫

括地志勞深即勞浸在蜀南靡莫即靡非在姚州北

同姓相仗未肯聽

勞深靡莫數侵犯使者吏卒于是上遣將軍郭昌發巴

蜀兵擊滅勞深靡莫以兵臨滇滇王舉國降請置吏入

朝乃以為益州郡賜滇王王印復長其民

西南夷君長以百數獨夜

郎及滇受王印最寵焉

以杜周

南陽村衍人

為廷尉

周少言重遲而內深次骨其治大抵放張湯而善候司

讀作

上所欲齊者因而陷之上所欲釋久繫待問而微

見其冤狀

客或讓周不循三尺法周曰三尺安出哉前主所是著為律後主所是疏為令當時為是

何占之法乎

時詔獄益多一歲至千餘章遲至六七萬人吏

所增加十有餘萬

癸酉三年冬十二月雷雨雹。

遣將軍趙破奴擊姑師。

徐廣曰。即車師。

破奴虜樓蘭王。遂破姑師。

考通鑑。姑師。作車師。蓋以一國兩名。故互書也。綱目以姑師為樓蘭王名。未知何據。今依漢書。

上必欲通大宛諸國。使者一歲多至十餘輩。樓蘭姑師

當道苦之。攻劫漢使。又數為匈奴耳目。上遣趙破奴將

屬國騎及郡兵。擊姑師。王恢數為樓蘭所苦。上令恢佐

破奴將兵。破奴以輕騎七百人先至。虜樓蘭王。遂破姑

師。因暴兵威。以動烏孫。大宛之屬。還。破奴。恢。俱封侯。破

泥野侯。恢。浩侯。于是酒泉亭障至玉門矣。

朝鮮人殺王右渠以降。置樂浪。

治朝鮮。即平壤城。

臨屯。

茂陵書。治東曉。昭帝

時廢。今朝鮮國城。西南有臨屯城。

元菟。

治高句驪。故城在朝鮮咸興府東北。

真番。

茂陵書。治書縣。亦昭

帝時廢今朝鮮國郡。
城西有真番城。君

漢兵入朝鮮境。朝鮮王右渠發兵距險。楊僕將齊兵先

至。戰敗遁走。收散卒復聚。荀彘擊朝鮮。沮水西軍亦未

能破。上以兩將未有利。乃使衛山因兵威往諭右渠。右渠頓首請降。遣太子入謝。人衆萬餘。持兵方渡沮

水。山與彘疑其爲變。諭令人毋持兵。太子已。彘破沮水

疑遂不渡。沮水復引歸。山還報。上乃誅山。已。彘破沮水

上軍乃前至城下。圍其西北。僕亦往會。居城南。數月未

下。彘所將燕代卒勁悍。乘勝多驕。僕嘗敗亡。卒皆恐。將

心慙。其圍右渠。僕常持和節。而彘急擊之。朝鮮大臣乃

陰使人約降于僕。往來未決。彘使人降之。不從。以故彘

與僕不相得。上以兩將乖異。使濟南太守公孫遂往正

之。有便宜得以從事。遂至。彘具以素所意告之。遂亦以

爲然。乃共執僕而并其軍。遂還報。上誅遂。毘擊朝鮮益急。朝鮮尼谿相參尼谿朝鮮地。參相之名也。等使人殺王右渠以降。朝鮮平。以其地爲四郡。毘徵棄市。僕贖爲庶人。

甲戌四年夏大旱。

民多暍死。

匈奴寇邊。遣郭昌將兵屯朔方。

匈奴自衛霍渡幕以來。希復爲寇。遠徙北方。數使使請和親。漢使王烏窺之。單于佯許。遣太子入漢爲質。又曰。吾欲入漢見天子。面相約爲兄弟。王烏歸報。漢爲單于築邸長安。會匈奴使至漢。病死。漢使路充國送其喪。單于以爲漢殺吾使者。乃留充國。而數使部兵侵犯漢邊。

上遣昌等屯朔方以備之。

五年冬帝南巡江漢春三月至泰山增封祀上帝于明堂配以高祖

上南巡狩

自江陵而東

至于盛唐

韋昭曰在南北郡寰宇記盛唐屬廬江郡其西有

盛唐山考漢書地理志廬江郡無盛唐其盛唐縣乃唐置非漢縣也且自江陵而東則南郡之說為是望

祀虞帝于九疑

注見前

登瀟

漢縣故城在江南六安州霍山縣

天柱山

即霍

山在霍山縣北爾雅謂之南嶽今亦曰瀟嶽

自尋陽

漢縣在江北今湖北黃梅縣界晉尋陽郡在江

南今江西九

浮江親射蛟江中獲之舳艫千里薄樅陽

江府是也

漢縣故城在江南安

而出作盛唐樅陽之歌

遂北至琅邪

注見前

並海所過禮祀其名山大川還至泰山增封始祀上帝

于明堂以高祖配因朝諸侯王列侯受郡國計師古曰受郡國

上計簿也夏四月赦天下所幸縣毋出今年租賦還幸甘泉郊泰畤。

大司馬大將軍長平侯衛青卒。諡曰烈。

青凡七出擊匈奴再益封并三子。凡二萬二百戶。蘇建常責青以招選賢者。青謝曰。自魏其武安之厚賓客。天子常切齒。彼招賢黜不肖者。人主之柄也。人臣奉法遵職而已。何與招士。

初置刺史。

上既攘卻胡越。開地斥境。乃置交趾。朔方之州。及冀幽

并。幽并二州。舜分冀州置。充徐。青揚。荆豫。益。禹貢涼州。禹貢雍州。禹貢儀州。禹貢儀州。涼。等州。

凡十三部。皆置刺史。掌奉詔條察州。漢舊儀。刺史以秋分行部。所察六條。

詔舉茂材異等。

詔曰。蓋有非常之功。必待非常之人。故馬或奔蹏而致千里。士或有負俗之累而立功名。夫覈駕之馬。跡弛之士。亦在御之而已。其令州郡察吏民有茂材異等。可爲將相。及使絕國者。

丙子六年春。遣郭昌將兵擊昆明。

注見前。

上欲通大夏。遣使皆閉昆明。爲所殺。奪幣物。于是赦京師亡命。遣郭昌將以擊之。斬首數十萬。後復遣使。竟不得通。

秋。大旱。蝗。

以宗室女爲公主。嫁烏孫。

烏孫使者見漢廣大歸報其國。其國乃益重漢。匈奴怒。欲擊之。烏孫恐。使使願得尚漢公主。爲昆弟。乃以江都王建女細君爲公主。往妻烏孫。昆莫以爲右夫人。匈奴亦遣女妻之。以爲左夫人。公主自治宮室居。歲時一再與昆莫會。昆莫年老。言語不通。公主悲愁思歸。作黃鵠之歌。天子聞而憐之。間歲使人問遺。昆莫欲使其孫岑陬烏孫官號。名軍須靡。尚公主。公主不聽。上書言狀。天子乃欲與烏孫共滅匈奴。詔報從其國俗。岑陬遂妻公主。昆莫死。代立。乃以昆彌昆莫本名獵驕靡。故號取昆莫驕靡合而一之。爲王。號云。是時西踰葱嶺。抵安息。安息發使。以大鳥卵。及犂靬眩人。獻于漢。諸小國皆隨漢使獻見。每巡狩海上。悉從外國客。大都多人。則大角抵。出奇戲。聚觀者。散財帛賞賜。以示富厚。令徧觀各倉庫府藏之積。以傾駭之。大宛左右多

蒲萄可以為酒。多苜蓿。天馬嗜之。漢使采其實以來。天子種之。離宮別館旁。極望焉。大鳥卵。條支國大雀。其卵如甕。聲軒。西域國名。眩人。即幻人。顏師古曰。今吞刀吐火之類是也。角抵。奇戲。文穎曰。雜技樂也。巴渝戲。魚龍曼衍之屬。

丁丑太初元年。應劭曰。初用夏正。故改年為太初。案是年五月改元。故歲首尚仍秦正。至次年始用建寅之月。冬十月。帝如泰山。十一月甲子朔旦冬至。祀明堂。益遣方士入海。

上自泰山東至海上。考入海及方士求神仙者。莫驗。然

益遣冀遇之。十二月親禪高里。伏儼曰。山名。在泰山下。祠后土。臨

勃海。望祀蓬萊。幾義同至殊延仙人焉。

柏梁臺災。作建章宮。三輔黃圖。在未央宮西。長安城外。

柏梁既災。上還。受計甘泉。公孫卿言。黃帝就青靈臺。十二日燒。乃治明庭。明庭。甘泉。

也。上于是令甘泉作諸侯邸。越人勇之曰：越俗有火災，復起屋必以

大用勝服之，乃作建章宮。度為千門萬戶，東鳳闕，西虎

方丈，瀛洲，壺梁，南玉堂，璧門，立神明臺，井幹樓，輦道相屬。

夏五月，造太初歷，以正月為歲首。

大中大夫公孫卿、壺遂。壺氏，晉大夫，受邑，其後以為氏。太史令太史

之長，令司馬遷。太史談子，生于漢所置司馬遷龍門，字子長。等言：歷紀廢壞，宜改正。

朔。禮記疏：周建子，商建丑，夏建寅，改正也。周夜半，商雞鳴，夏平旦，易朔也。兒寬議以為宜

用夏正。斗杓初昏建寅，乃詔卿等造漢太初歷。卿等以

初四千六百一十七歲，至于元封七年，復得闕逢攝提

格之歲，中冬十一月甲子朔旦冬至，日月在建星，太歲

在子，已得太初本星度，願募治歷者，更造密度，各自增

減，以造漢太初歷，于是鄧平及洛下閭等，都分天部，閭

上元本星度。故命曰闕逢攝。以正月為歲首。色尚黃。黃土

提格之歲。而實非甲寅也。色漢據土。數用五。土數五。定官名。光祿勳。大鴻臚。大司農。地金吾。京兆尹。左

馮翊。右扶風。協音律。更是年為太初元年。

皆是歲所改。劉氏友益曰。始用夏正。故特書造。自是無能改者矣。蓋行夏之時。誠不易之常經也。

秋以李廣利為貳師將軍。伐大宛。

漢使入西域者。言宛有善馬。在貳師城。大宛國城名。匿不肯

與漢使。上使壯士持千金及金馬以請之。宛王不肯。漢

使怒。椎破也。金馬而去。宛貴人令其東邊郁成王遮殺

之。于是上大怒。諸嘗使者。言宛兵弱。誠以漢兵三千人

可盡虜矣。上以為然。而欲侯寵姬李氏。乃拜其兄廣利

為貳師將軍。期至貳師取善馬。故以為號。發屬國騎及郡國惡少年

以求馬。故惡少佐軍。名不正已甚矣。及至士卒飢罷。引還乃遮之。玉門外不聞有濟軍需。思改絃之政。徒聽貳師留敦煌。是何籌策乎。然武帝雄才大畧。決不如此史傳必有所闕。

數萬人往伐宛。貳師西行。當道小國各城守。不給食。比所殺傷甚衆。貳師引兵還。至敦煌。上書乞罷兵。上怒。使使遮玉門曰。軍有敢入。斬之。貳師恐。因留敦煌。關東蝗大起。西飛至敦煌。

戊寅二年春正月。丞相慶卒。以公孫賀爲丞相。封葛繹侯。

時朝廷督責大臣。丞相比坐事死。賀引拜。不受印綬。頓首涕泣。上起去。賀不得已。拜。出曰。我從是殆矣。

秋。遣趙破奴擊匈奴。敗沒。

初。匈奴烏維單于死。子兒單于。名烏斯廬。立。年少。好殺伐。國

人不安。左大都尉告漢曰。我欲殺單于降漢。漢遠。卽兵

來迎我。我卽發。上乃遣公孫敖築塞外受降城。在今吳喇武旗

北。以應之。旣而猶以爲遠。乃遣浚稽將軍趙破奴將二

萬騎期至浚稽山

在漠北。胡三省注。匈奴有東西浚稽。考浚稽山去漢朔方北二千餘里。當

在今喀爾喀土喇河及鄂爾渾河之間。所謂龍勒水。在東浚稽山南。余吾水在山之北者。是也。既至左

大都尉欲發而覺。單于誅之。發兵八萬騎圍破奴。獲之。

因急擊其軍。軍吏畏亡將而誅。遂没于匈奴。

明年兒單于死。呼犁

湖單于立。漢遣光祿勳徐自為出五原塞。築城障。列亭。遠者千里。其秋。匈奴大入。盡毀壞之。

卯巳

三年春。睢陽

功臣表。作睢陵。

侯張昌

張敖曾孫。廣之子。

有罪。國除。

初。高祖封功臣為列侯。百四十有三人。其封爵之誓曰。

使黃河如帶。泰山若礪。國以永存。爰及苗裔。申以丹書。

之信。重以白馬之盟。高后時。差第位次。藏之宗廟。副在

有司。逮文景後。列侯子孫多抵法禁。隕身失國。至是。昌

坐為太常乏祠。

祠事有闕也。

國除。見侯纔四人而已。

七科徵發中如有罪亡命
雖不失自贖之義然皆未
繇之卒也至贅壻賈人市
籍皆無罪者不幾驅市人
而戰耶欲以完改定功難
矣

大發兵從李廣利圍宛。宛殺其王毋寡，出善馬以降。

時議者皆願罷宛兵。

以趙破奴敗沒匈奴。

上以為宛小國而不能

下，則大夏之屬漸輕漢。而宛善馬絕不來，乃案

案其罪行罰。

言伐宛尤不便者鄧光等。大發兵出敦煌。

赦囚徒發惡少年及邊驍。

凡六萬人。負私從者不貳。

益發天下七科。

吏有罪一亡命二贅壻三賈人四故有市籍五父母

有市籍六。大父適。

與謫同戍也。

及載糒給貳師。

拜習馬者二人為執驅馬

校尉。備破宛。擇取其善馬云。

于是貳師復行，以兵多所至迎給，不下

者攻屠之。至宛城，兵到者三萬。

宛兵迎擊漢兵大敗之。

圍其城，攻

之四十餘日。

宛城中無井汲城外流水。貳師決其水原移之。宛大困。

宛貴人相與

謀共殺王毋寡，持其頭，使貳師曰：「無攻我，我盡出善馬。」

恣所取而給軍食，即不聽我，我盡殺善馬。康居之救又

且至貳師許之宛乃出其馬令漢自擇之而多出食食

漢軍漢軍取其善馬數十匹中馬以下三千餘匹立宛

貴人昧蔡故與漢使善者為王與盟而罷兵令搜粟都尉上官

桀楚子蘭為上官邑大夫後以為氏桀隴西上邽人攻破郁成郁成王走康居

追斬之明年師還上以得宛善馬作西極天馬之歌辭曰

天馬徠從西極涉流沙九夷服天馬徠出泉水虎脊兩

化若鬼天馬徠歷無阜徑千里循東道天馬徠執徐時

將搖舉誰與期天馬徠開遠門竦予身封廣利為海西

遊昆侖天馬徠龍之媒遊閼闔觀玉臺封廣利為海西

侯將士皆論功封賞伐宛再反凡四歲而得罷貳師還時匈奴

因樓蘭侯漢使後過者欲絕勿通軍正任文捕得生口

知狀以聞上詔文引兵捕樓蘭王詰闕對簿王對曰小

國在大國間不兩屬無以自安願徙居漢地上直其膏

遣歸國因使候伺匈奴自是不親信樓蘭于是自敦煌

西至鹽澤往往起亭而輪臺渠梨皆有田卒數百人置

使者校尉領護以給使外國者輪臺西域地名在車

師西北渠犁城在輪臺東地相接。

辛巳

天漢元年

應劭曰時頻年苦旱故改元天漢以祈甘雨師古曰犬雅有雲漢之詩故依以為年號。

春三月遣中郎將蘇武

杜陵人蘇建子字子卿。

使匈奴。

先是上欲因伐宛之威遂困匈奴乃下詔曰高皇帝遺

朕平城之憂高后時單于書絕悖逆昔齊襄公復九世

之讎。

齊襄公滅紀復哀公之讎見公羊傳。

春秋大之會匈奴响犁湖單于

死弟且鞮侯單于初立恐漢襲之乃曰我兒子安敢望

漢天子漢天子我丈人行也因盡歸漢使之不降者路

充國等使使來獻于是上嘉單于之義遣蘇武送匈奴

使留在漢者因厚賂單于答其善意。

武與副中郎將張勝及假吏常惠等

俱既至置幣單于單于益驕非漢所望也會緱王

昆邪王姊

子與昆邪王俱降漢。與長水虞常

漢有長水校尉掌長水胡騎。虞常蓋亦先

沒于匈奴者。

等謀殺漢降人衛律。

律父故長水胡人。律善李延年。延年薦律。使于匈奴。

聞延年家收。遂亡。降于匈奴。單于愛之。

而却單于母閼氏歸漢。人告單于。

時律為丁靈

匈奴屬國在康居北。今為俄羅斯地。

王貴寵用事。單于使律

治之。虞常引武副張勝知其謀。

虞常在漢。素與張勝相知。私候勝。請為伏弩射

殺衛律。

單于怒。欲殺漢使者。左伊秩訾

胡官。號曰。即謀單

于。何以復加。

言謀衛律而殺之。其罰太重。

宜皆降之。單于使衛律召

武受辭。武謂常惠等曰。屈節辱命。雖生。何面目以歸漢。

引佩刀自刺。衛律驚。自抱持之。武氣絕。半日復息。單于

壯其節。朝夕遣人問武。而收繫勝。武益愈。會論虞常。欲

因此時降武。劍斬常已。律曰。漢使張勝謀殺單于近臣。

蘇武奉使北庭慷慨誓死
歷十九年凜然不少挫固
足以風世勵俗然史家謬
以齧雪餐糞為異事夫
雪或可齧而決無可食之
理即偶一食之斷不能數
日藉以不死是說殊失於
誣即野鼠草實亦祇可苟
延旦夕十九年之久何以
當之則所稱義不食匈奴

當死降者赦罪。舉劍欲擊之。勝請降。律謂武曰。副有罪
當相坐。武曰。本無謀。又非親屬。何謂相坐。律復舉劍擬
之。武不動。律曰。君因我降。與君為兄弟。今不聽吾計。後
雖欲復見我。尚可得乎。武罵律曰。汝為人臣子。不顧恩
義。畔主背親。為降虜于蠻夷。何以汝為見。言何用見。且汝為也。單于信汝。使決人生死。不平心持正。反欲鬪兩主。觀禍
敗。南越殺漢使者。屠為九郡。宛王殺漢使者。頭縣北闕。
朝鮮殺漢使者。即時誅滅。若知我不降。明欲令兩國相
攻。匈奴之禍。從此始矣。律白單于。愈欲降之。遂幽武置大窖中。絕
不飲食。天雨雪。武卧齧雪。與旃毛并咽之。數日不死。匈奴以為神。乃徙武北海無人處。使牧羶。日。羶乳乃得
歸。別其官屬常惠等。各置他所。武既至海上。廩食不給。掘野鼠去草實而食之。仗漢節牧羊。卧起操持。節旄盡

之粟亦飾辭耳。且武既娶婦生子，豈得謂非大節之玷？蓋武不過不降，不若李陵衛律之背君以圖奇節。君未之信。

李陵耻為貳師屬役，以發于敵，乃甘心叛降，所謂小

落。

雨白鵞。與鵞通。師古曰。毛之彊曲者也。

夏大旱。赦。

壬午二年夏，遣李廣利將兵擊匈奴。別將李陵戰敗降虜。

貳師出酒泉擊匈奴，斬萬餘級。師還，匈奴大圍之。漢軍

乏食數日，死傷者多。假司馬趙充國

字翁孫隴，西上邽人。

與壯士

百餘人潰圍陷陣，貳師引兵隨之，遂得解。

充國身被二十餘創，詔徵

誰行在所。帝親視其創，嗟歎之，拜為中郎。初，李廣有孫陵

字少卿。

善騎射，愛人

下士。帝以為有廣之風，拜騎都尉，使將丹陽楚人五千

人，教射酒泉，張掖，以備胡。至是，上欲使為貳師將輜重。

陵曰：臣所將皆荆楚勇士，奇才劍客，力扼虎，射命中。願

續續破犁也。司馬遷以爲欲得當報漢其誰欺乎？以是罪遷不爲過。當然遷恨武帝深矣。其爲史于武帝尚得有美事乎？

得自當一隊。分單于兵。毋令專鄉貳師軍。上曰。將惡相

屬耶。吾發軍多。無騎予女。陵對無所事騎。臣願以步兵

五千人。涉單于庭。上壯而許之。因詔路博德將兵半道

迎陵軍。博德亦羞爲陵後距。奏言。方秋匈奴馬肥。未可

與戰。願留陵至春俱出。上疑陵悔。而敎博德上書。乃詔

博德擊匈奴于西河。注見前。詔陵以九月發。陵于是出居

延。漢縣。注見前。至浚稽山。注見前。與單于相值。騎可三萬。圍陵

軍。軍居兩山間。以大車爲營。陵引士出營外爲陳。前行持戟盾。後行持弓弩。令曰。聞鼓聲而縱。聞金聲而止。

虜見漢軍少。直前就營。陵搏戰。千弩俱發。應弦而倒。擊

殺數千人。單于大驚。召左右地兵八萬餘騎攻陵。陵且

戰且引南行。斬首三千餘級。抵大澤葭葦中。虜從上風縱火。陵亦軍中縱火以自

救步。鬪樹木間。復殺數千人。單于曰。此漢精兵。擊之不

能下。日夜引吾南近塞。得毋有伏兵乎。欲去。會軍候管

敢。亡降匈奴。具言陵軍無後救。矢且盡。單于大喜。遮道

急攻。陵居谷中。虜在山上。四面射。矢如雨下。漢軍南行。未至鞬汗山。一日

五十萬矢皆盡。陵太息曰。兵敗死矣。令軍士各散。期至

遮虜障。漢路博德所築。在今肅州北邊外。相待。虜騎數千追之。校尉成安侯韓

延年。陵曰。無面目報陛下。遂降。軍得脫至塞者四百人。

上聞陵降。怒甚。羣臣皆罪陵。惟太史令司馬遷盛言陵

事親孝。與士信。常奮不顧身。以徇國家之急。且陵提步

卒不滿五千。深蹂戎馬之地。抑數萬之師。雖古名將不

過也。身雖陷敗。彼之不死。宜欲得當以報漢也。上以遷

為誣罔。欲沮貳師。為陵游說。下遷腐刑。久之。上海曰。陵

當發出塞。乃詔強弩都尉令迎軍。坐預詔之。得令老將

生姦詐。乃遣使勞

賜陵餘軍得脫者

遣繡衣直指使者

郎侍御史師古曰衣以繡者尊寵之也

發兵擊東方盜賊

時郡國二千石多酷暴吏民益輕犯法東方盜賊滋起

攻城邑取庫兵釋死罪殺二千石掠鹵鄉里道路不通

上使光祿大夫范昆等衣繡衣持節虎符發兵以興擊

所至得擅斬二千石以下誅殺甚衆一郡多至萬餘人

數歲乃頗得其渠率散卒失亡復聚黨阻山川者往往

羣居無可奈何于是作沈命法

韋昭曰沈沒也敢蔽匿盜賊者沒其命

曰

盜起不發覺發覺而捕弗滿品者二千石以下至小吏

主者皆死其後小吏畏誅雖有盜不敢發府亦使其不

言故盜賊浸多上下相爲匿以文辭避法焉

是時暴勝之爲直指

使者

衣繡杖斧所誅殺二千石以下尤多威振州郡至勃海聞郡人雋不疑賢請與相見不疑容貌尊嚴衣冠

盜傷人者也。縱一盜不知其害幾何人而況萬餘盜乎如是而謂有陰德史家之顛倒是非可知矣。元皇后之出其家亦偶然耳。然馴致移漢祚則賀殆罪之魁耳。何嘉之有。

甚偉。勝之躡屣起迎。登堂坐定。不疑據地曰。竊伏海濱。聞暴公子舊矣。今乃承顏接辭。凡為吏太剛則折。太柔則廢。威行施之以恩。然後樹功揚名。永終天祿。勝之深納其戒。及還表薦。召拜青州刺史。王賀亦為繡衣御史。逐捕羣盜。多所縱捨。以奉使不稱免。歎曰。吾聞活千人。子孫有封。吾所活者萬餘人。後世其興乎。雋不疑。字曼倩。勃海人。王賀字翁孺。元成人。元皇后之父。

癸未 三年春三月。帝東巡。還祠常山。

上行幸泰山。修封。祀明堂。因受計。還祠常山。瘞元玉方士之候神人求蓬萊者。終無有驗。上益厭怠矣。然猶羈縻不絕。冀遇其真。

夏大旱。赦。

甲申 四年春正月。遣李廣利等擊匈奴。不利。族誅李陵家。

發天下七科適。及勇敢士。遣李廣利等四將軍出塞。

貳師

將軍李廣利將騎六萬。步兵七萬。出朔方。燿弩都尉路博德將萬餘人。與貳師會。遊擊將軍韓說將步兵三萬人。出五原。因杆將軍公孫敖將騎萬。步兵三萬人。出鴈門。匈奴聞之。悉遠其累重于

余吾水

在浚稽山北。

北。而單于以兵十萬待水南。與貳師接

戰。貳師解而引歸。遊擊無所得。因杆與左賢王戰不利。時上遣敖深入匈奴迎李陵。敖軍無功還。因曰。得生口。言李陵教單于為兵以備漢軍。故臣無所得。上于是族陵家。既而聞之。乃李緒。非陵也。陵使人刺殺緒。單于以女妻陵。立為右校王。與衛律皆貴用事。

夏四月。立子髡為昌邑王。

治昌邑。注見前。

髡。李夫人子也。

立十一年薨。子賀嗣。

秋九月。令死罪入贖。

錢五十萬減死一等。

乙酉

太始元年。

應劭曰與民更始故以冠元。

春正月徙豪傑于茂陵。

注見前。

丙戌

二年春三月制金班諸侯王。

詔曰往者朕郊見上帝獲白麟渥洼水出天馬泰山見

黃金宜改故名今更黃金為麟趾裏

反。

了

要裏駸馬名裏蹏馬

蹏也師古曰舊金以斤兩為名今欲表祥瑞故普改為麟足馬蹏之形以易舊法。

以協瑞焉因

以班賜諸侯王。

秋穿白渠。

在西安府涇陽縣西北有大白中白南白三渠。

趙中大夫白公。

史失其名。

奏穿渠引涇水。

注見前。

首起谷口。

在涇

陽縣西北師古曰仲山之谷口也漢時為縣今呼冶谷仲山之北寒涼故謂此谷為寒門。

尾入櫟陽。

注見前。

注渭中袤二百里溉田四千五百餘頃因名曰白

渠民得其饒

歌之曰。出于何所。池陽谷口。鄭國在前。白渠起後。舉舌成雲。決渠為雨。涇水一石。其

泥數斗。且溉且糞。長我禾黍。衣食京師。億萬之口。

鄭國渠。注見前。今白渠。白仲山龍洞而東北。曰北白。中

日中白。南曰下白。凡灌涇陽。體泉三原。高陵。四縣田七千餘頃。

丁亥三年春正月。帝東巡琅邪。浮海而還。

上行幸東海。獲赤雁。作赤雁之歌。幸琅邪。禮日成山。登

之罘。

注並見前。

浮大海而還。

子弗陵生。

弗陵母曰河間趙婕妤。

帝過河間。望氣者言此有奇女。上使召之。既至。兩手皆拳。上自

披之。手即時伸。由是得幸。號拳夫人。封

婕妤。位昭儀下。視上卿。比列侯。

居鈞弋宮。

以婕妤反。屈如。

任身十四月而生。上曰。聞昔堯十四月而生。乃

命門曰堯母門。

以江充邯鄲人爲水衡都尉。

充初爲趙王

趙敬肅王彭祖

客得罪亡詣闕告趙太子陰事太

子坐廢充容貌魁岸被服輕靡上召與語大悅之拜爲

直指繡衣使者使督察貴戚近臣踰侈者充舉劾無所

避令身待北軍擊匈奴貴戚子弟叩頭求哀于上願入

錢贖罪凡數十萬上以充爲忠直嘗從上甘泉逢太子

家使乘車馬行馳道中充以屬吏太子使人謝充曰非

愛車馬誠不欲令上聞之以教勅亡素

謂素不曾教勅左右者唯

江君寬之充不聽遂白奏上曰人臣當如是矣大見信

用威震京師

戊子四年春三月帝東巡祀明堂修封禪夏五月還宮赦

上幸不其。漢縣以不其山名故城在今山東萊州府即墨縣。祠神人于交門宮。

晉灼曰琅邪有交門宮。若有鄉坐拜者作交門之歌。

冬十月甲寅晦日食。

己征和元年。應劭曰言征伐四夷而天下和平。夏大旱。

冬十一月大搜長安十一日。

上居建章宮見一男子帶劍入中龍華門命收之弗獲。

上怒斬門候發三輔。京兆左馮翊右扶風是為三輔。騎士大搜上林閉。

長安城門索十一日乃解。巫蠱始起。是時方士及諸神巫多聚京師率皆

左道惑眾變幻無所不為。女巫往來宮中教美人度厄。每屋輒埋木人祭祀之。因妬忌恚詈更相告訐以為祝

詛上無道後宮及大臣被誅者甚眾。

庚寅二年春正月丞相賀有罪下獄死。夷其族。以劉屈氂中山

巫蠱之起實因信方士求神仙有以啟之妖由人興不可不求其本也

靖王子為左丞相封彭侯

賀夫人君孺。衛皇后姊也。子敬聲。為太僕。驕奢不奉法。擅用北軍錢。發覺。下獄。時詔捕陽陵大俠朱安世甚急。賀自請捕安世。以贖敬聲罪。果得安世。安世笑曰。丞相禍及宗矣。遂從獄中上書。告敬聲與陽石公主私通。祝詛上有惡言。遂下賀獄。父子死獄中。家族。

夏四月。大風。發屋拆木。

帝如甘泉。秋七月。皇太子據殺使者江充。白皇后發兵反。

詔丞相屈釐討之。據敗走湖。

漢縣。故城在今河南陝州閿鄉縣。

皇后衛氏

及據皆自殺。

初。上立太子。甚愛之。及長。嫌其才能不類已。皇后太子

充雖大姦。豈能謀間骨肉。持餌覲易儲之萌。是以乘機竊發耳。物先腐而蟲生。信哉。

常不自安。上覺。使大將軍青曉之。

上曰。漢家庶事草創。加四夷侵陵中國。朕

不得更制度。後世無法。不出師征伐。天下不安。為此者。敦重好靜。必能安天下。欲求守文之主。安有賢于太子者乎。可以此意喻之。上用法嚴。太子

寬厚。多所平反。

如淳曰。奏請從輕也。

用法大臣多不悅。衛青既卒。

臣下無復外家為據。

言諸臣以太子已無外家。可為馬依。

競欲搆太子。會

巫蠱事起。

上心以為疑。嘗晝寢。夢木人數千。持杖欲擊上。上驚寤。因是體不平。遂苦忽忽善忘。

上

以江充為使者治其獄。

自京師三輔及郡國坐死者數萬人。

充自以與太

子及衛氏有隙。因言宮中有蠱氣。入宮。至省中。壞御座。

掘地求蠱。上又使蘇文等助充。

太子嘗謁皇后。移日乃出。黃門蘇文告上曰。太

子與宮人戲。上益太子宮人。太子知之。銜文。文與小黃門常融等。常微伺太子過。輒增加白之。皇后切齒。使太子白誅文等。太子曰。弟勿為過。上聰明不信。邪佞不足憂也。已而融被誅。文搆太子益甚。充遂至太

子宮掘地縱橫。無復施牀處。云于太子宫得木人尤多。

當奏聞。太子懼。召問少傅石德。

石慶子。

德懼并誅。因曰。前

丞相

公孫賀。

父子兩公主。

諸邑陽石。

及衛氏。

長平侯伉。

皆坐此。今無

以自明。可矯以節。收捕充等。繫獄窮治其姦詐。且上疾在甘泉。皇后及家吏請問。皆不報。存亡未可知。而姦臣

如此。太子不念秦扶蘇事邪。太子不聽。將如甘泉。而充持之急。太子遂從德計。乃使客詐爲使者。收捕充等。自

臨斬之。罵曰。趙虜。前亂乃國王父子不足邪。乃復亂。吾

父子也。使舍人持節夜入宮。白皇后。發中廡。

天丁內廡。車載

射士出武庫兵。發長樂宮衛卒。蘇文亡歸甘泉。言狀。上

大怒。賜丞相璽書曰。捕斬反者。自有賞罰。堅閉城門。毋

令反者得出。太子宣言帝病困，疑有變，上于是從甘泉來幸城西建章宮。詔發三輔近縣兵，丞相將之。太子亦矯制赦長安中都官囚徒，命石德及賓客張光等分將召護北軍，使者任安與節令發兵。安拜受節，入閉門不出。太子引兵毆肆市人數萬，至長樂西闕下逢丞相軍，合戰五日，死者數萬人。民間皆云太子反，以故衆不附。太子兵敗，南犇覆盎城門。長安城東南門，亦曰杜門。司直田仁部閉城門，以爲太子父子之親，不欲急之。太子得出亡。丞相欲斬仁。御史大夫暴勝之曰：「司直吏二千石，當先請，奈何擅斬之？」丞相釋仁。上聞大怒，下吏責問勝之，皇恐自殺。詔收皇后璽綬，后自殺。上有以爲任安老吏，欲坐觀成敗，有兩心。與田仁皆要斬諸太子賓客，嘗出入宮門，皆坐誅。其隨太子發兵以反法族，上怒甚，羣下憂懼，不知所出。

壺關

今縣屬山西潞安府本漢置

三老茂上書曰臣聞父者猶天母

者猶地子猶萬物也故天平地安物乃茂成父慈母愛

子乃孝順今皇太子爲漢適嗣承萬世之業體祖宗之

重親則皇帝之宗子也江充布衣之人間閭之隸臣耳

陛下顯而用之銜至尊之命以迫蹙皇太子造飾姦詐

羣邪錯繆太子進則不得見上退則困于亂臣獨冤結

而無告不忍忿忿之心起而殺充恐懼逋逃子盜父兵

以救難自免耳臣竊以爲無邪心往者江充讒殺趙太

子天下莫不聞陛下不察深過太子發盛怒舉大兵而

求之三公白將智者不敢言辯士不敢說臣竊痛之書

奏上感悟然尚未顯言赦之也太子亡東至湖匿泉鳩

太子而反天下大變也子
盜父兵殺讒者尚可合戰
五日何爲者而壺關三老
上書辨其冤所謂亂民之
尤彼必陰有以窺武帝略
悔之意觀太子之復位居
首功耳人情險惡可畏
哉

里。一名全鳩澗。在閬鄉縣西南。主人家貧。賣屨以給太子。八月發覺。

吏圍捕太子。太子入室。距戶自經。皇孫二人皆并遇害。

初。上爲太子立博望苑。使通賓客。從其所好。賓客多以異端進者。故終及于敗。

八月地震。

辛卯三年春三月。遣李廣利等將兵擊匈奴。

匈奴寇五原酒泉。遣李廣利等將兵擊之。李廣利將七萬人出五原。

商邱成將二萬人出西河。馬通將四萬騎出酒泉。

夏六月。丞相屈釐棄市。李廣利降匈奴。詔族其家。

貳師之出也。丞相劉屈釐爲祖道。送至渭橋。廣利曰。願君侯早請昌邑王爲太子。如立爲帝。君侯長何憂乎。屈

釐許諾。貳師出塞。破匈奴兵于夫羊句山。在漢北。乘勝追

北至范夫人城。

在今喀爾喀地。

會有告丞相夫人祝詛上。及與

貳師共禱祠。欲令昌邑王為帝。按驗罪至大逆不道。六

月。屈釐要斬東市。貳師妻子亦收。貳師聞之。憂懼。遂深

入要功。北至郅居水。

在范夫人城北。

上逢左賢王左大將。合戰

一日。殺左大將。還至燕然山。

今喀爾喀有杭愛山。直陝西寧夏北二千餘里。蓋即

古燕然山。單于自將五萬騎。遮擊貳師。夜塹漢軍前。深數尺。

從後急擊之。軍大亂。敗。貳師遂降。單于以女妻之。宗族

遂滅。

貳師在匈奴歲餘。衛律害其寵。會母闕氏病。律飭

匈奴會連雨雪數月。畜產死。人民疫

病。穀稼不熟。單于恐。為貳師立祠室。

秋。以田千秋

本齊諸田。為大鴻臚。族滅江充家。

徙長陵。

千秋亦三老之見至謬稱
白頭翁荒誕甚矣此武帝
之信邪有以致之遂以為
丞相不更可笑乎

吏民以巫蠱相告言者。案驗多不實。上頗知太子惶恐

無他意。會高寢郎

高廟衛寢之郎

田千秋上急變訟太子冤。曰

子弄父兵。罪當笞。天子之子。過誤殺人。當何罪哉。臣嘗

夢見一白頭翁。教臣言。上乃大感寤。召見千秋

千秋長八尺餘

體貌甚麗。上見而悅之。

謂曰。父子之間。人所難言也。公獨明其不

然。此高廟神靈。使公教我。公當遂為我輔佐。立拜千秋

為大鴻臚。而族滅江充家。焚蘇文于橫橋

即中渭橋。上在橫門外。

上憐太子無辜。乃作思子宮。為歸來望思之臺于湖。天下聞而悲之。

壬辰

四年春正月。帝如東萊

注見前。

上欲浮海求神仙。羣臣諫弗聽。會大風晦冥。海水沸涌。

留十餘日。乃還。是歲。雍縣

注見前。

無雲而雷者三。聲聞四

百里。隕石二，黑如黥。

三月，帝耕于鉅定。

漢縣。故城在今山東青州府壽光縣西北。

還至泰山，罷方士

侯神人者。夏六月，還宮。

上耕于鉅定，還幸泰山，修封禪，祀明堂，見羣臣，乃言曰：「朕卽位以來，所爲狂悖，使天下愁苦，不可追悔。自今事有傷害百姓，糜費天下者，悉罷之。」田千秋曰：「方士言神仙者甚衆，而無顯功，請皆罷斥遣之。」上曰：「大鴻臚言是也。」于是悉罷諸方士侯神人者。是後，上每對羣臣，自歎曩時愚惑，爲方士所欺，天下豈有仙人，盡妖妄耳。節食服藥，差可少病而已。

以田千秋爲丞相，富民侯。以趙過爲搜粟都尉。

千秋無他才能學術。又無閥閱功勞。特以一言寤意。數月取宰相封侯。世未嘗有也。然爲人敦厚有智。居位自稱踰于前後數公。先是桑弘羊言輪臺注見前東有溉田五千頃。以上可遣屯田卒置校尉募民壯健敢徙者詣田所墾田築亭以威西國。上乃下詔深陳既往之悔曰。前有司奏欲益民賦三十助邊用。是重困老弱孤獨也。今又請遣卒田輪臺。輪臺西于車師千餘里。前擊車師雖降其王。以遼遠乏食。道死者尚數千人。况益西乎。匈奴常言漢極大。然不耐饑渴。失一狼走千羊。乃者貳師敗。軍士死略離散。悲痛常在朕心。今又請遠田輪臺。欲起亭隧。是擾勞天下。非所以優民也。朕不忍聞大鴻臚

代田分畊歲易其處以用力少得穀多也然此用之土曠人稀時尚可否則以二畊之地代種即使一畊有二畊之獲地與穀僅足相當又何便巧之有

等。又議欲募囚徒送匈奴使者。明封侯之賞以報忿。此

五伯所弗為也。當今務在禁苛暴。止擅賦。力本農。修馬

復。師古曰。馬復。因養馬以免徭賦也。令以補缺。毋乏武備而已。郡國二

千石。各上進畜馬方略。補邊狀。與計對。自是不復出軍。

而封田千秋為富民侯。以明休息。思富養民也。又以趙

過為搜粟都尉。過教民為代田。一畝。秦制。二百四十步為畝。三畊。

溝廣深各尺。日畊。歲代處。代。易也。歲易其處。胡三省曰。即周禮一易再易之類。每耨輒附

根。每耨草。輒以土附著苗根。根深能耐。風旱其耕耘田器皆有便

巧。用力少而得穀多。民皆便之。

秋。八月。辛酉晦。日食。

癸巳。後元元年。夏。六月。侍中僕射馬何羅反。伏誅。

初馬何羅與江充相善。及衛太子起兵。何羅弟通以力戰封侯。後上夷滅江充宗族。黨與何羅兄弟懼及。遂謀爲逆。侍中金日磾視其志意有非常。心疑之。陰獨察其動靜。與俱上下。以故久不得發。上幸林光宮。服虔曰。甘泉宮。亦名林光。何羅與通矯制夜出發兵。明旦上未起。何羅袖白刃從東廂上。見日磾。色變走趨卧內。觸寶瑟。僵曰。磾得抱何羅投殿下。窮治皆伏辜。

秋七月地震。

往往湧泉出。

殺鉤弋夫人趙氏。

鉤弋夫人之子弗陵年七歲。形體壯大。多知。上奇愛之。心欲立焉。以其年穉母少。猶與久之。欲以大臣輔之。察

武帝雖鑒呂雉之禍而為此然非有人心者所忍聞彼呂雉之禍亦高祖有以致之耳不思善處預防欲以陰毒為弭患之計謬矣

羣臣唯奉車都尉光祿大夫霍光忠厚可任大事。上乃使黃門畫周公負成王朝諸侯以賜光。後數日，帝譴責鉤弋夫人。夫人脫簪珥叩頭。帝曰：「引持去，送掖庭獄。」夫人還顧。帝曰：「趣行，汝不得活。」卒賜死。帝閑居，問左右曰：「外人言云何？」左右對曰：「人言且立其子，何去其母乎？」帝曰：「然，是非兒曹愚人之所知也。往古國家所以亂，由主少母壯也。女主獨居驕蹇，淫亂自恣，莫能禁也。汝不聞呂后邪？故不得不先去之也。」

甲午二年春二月，帝如五柞宮。在今西安府盩厔縣東南。西京雜記：宮有五柞樹，陰覆數畝。立弗陵為皇太子，以霍光為大司馬、大將軍，金日磾為車騎將軍，上官桀為左將軍，受遺詔輔少主。帝崩。

上官桀以精給鼻過耳武
帝遂信之至于託孤宜其
後日不終所事也然霍光
金口碑豈非武帝特識之
人乎故武帝所為有大過

上病篤。霍光涕泣問曰：如有不諱，誰當嗣者？上曰：君未
喻前畫意邪？立少主。君行周公之事。光頓首讓曰：臣不
如金日磾。日磾亦曰：臣外國人，不如光。且使匈奴輕漢。
乃立弗陵為皇太子。明日，命光曰：磾及上官桀受遺詔，
輔少主，與御史大夫桑弘羊皆拜卧內牀下。光出入禁
闈二十餘
年。出則奉車，入侍左右，小心謹慎，未嘗有過。為人沈靜
詳審，每出入下殿門，止進有常處。郎僕射竊識視之，不
失尺寸。日磾在上左右，目不忤視者數十年。賜出宮女，
不敢近。上欲納其女後宮，不肯。其篤慎如此。上尤奇異
之。日磾長子為帝弄兒，其後壯大，自殿下與宮人戲。日
磾適兒，遂殺之。上怒，日磾具言所以。上為之泣，而心敬
日磾。桀始以材能見幸，為未央廄令。上嘗體不安，及愈，
見馬多瘦，上大怒曰：令以我不復見馬邪？欲下吏。桀頓
首曰：臣聞聖體不安，日夜憂懼，意誠不在馬。又明日，帝
崩，人殯未央前殿。

人者亦有大不可解者

太子弗陵卽位。

時帝姊鄂邑長公主共養省中。光曰。碑。桀。共領尚書事。光輔幼主。政自己出。天下想聞其風采。殿中常有怪。一夜羣臣相驚。光召尚符璽郎。欲收取璽。郎不肯授。光欲奪之。郎按劍曰。臣頭可得。璽不可得也。光甚誼之。明日。詔增此郎秩二等。衆庶莫不多光。

三月葬茂陵。

史臣曰。漢承百王之弊。高祖撥亂反正。文景務在養民。至于稽古禮文之事。猶多闕焉。孝武初立。卓然罷黜百家。表章六經。遂疇咨海內。舉其俊茂。與之立功。興太學。修郊祀。改正朔。定歷數。協音律。紹周後。號令文章。煥焉可述。如武帝之雄才大略。不改文景之恭儉。以濟斯民。雖詩書所稱。何以加焉。

秋七月。追尊鉤弋夫人爲皇太后。起雲陵。

在西安府涇陽縣西北。

孝昭皇帝

乙未始元元年春二月帝耕于弄田

師古曰謂宴遊之田天

子所戲弄耳

秋七月大雨至于十月

燕王旦謀反赦弗治黨與皆伏誅

初武帝時燕王旦自以次第當為太子。上書求入宿衛。

帝怒。斬其使。又坐匿亡命。削三縣。旦辯慧博學。其弟廣

陵王胥有勇力。而皆動作無法。復多過失。及武帝崩。賜

諸侯王璽書。燕王旦得書。不肯哭。曰。璽書封小。京師疑

有變。遣幸臣之長安問禮儀。陰刺候朝廷事。及詔賜錢

益封。旦怒曰。我當為帝。何賜也。遂與齊孝王孫澤等結

燕王請入宿衛不臣之跡
已著至連兵構釁當伏
斧鑕之誅乃曲赦弗治是
寧光有公旦之誠款而無
公旦之才識矣

謀詐言以武帝時受詔得職吏事修武備備非常爲姦書言少帝非武帝子天下宜共伐之使人傳行郡國以搖動百姓澤謀歸發兵臨菑注見前且招徠郡國姦人賦

斂銅鐵作甲兵數閱其車騎材官卒發民大獵以講士

馬須期日殺諫者韓義等凡十五人八月青州刺史雋

不疑收捕澤等以聞遣大鴻臚丞治連引燕王詔以燕

王至親勿治而澤等皆伏誅遂擢不疑爲京兆尹不疑爲京

兆尹吏民敬其威信每行縣錄囚徒還其母輒問不疑

有所平反活幾何人卽多所平反母喜笑異他時或無

所出母怒爲不食故不疑爲吏嚴而不殘

九月車騎將軍桼

漢縣故城在今山東曹州府城武縣侯金日磾卒諡曰敬

初武帝以日磾捕反者馬何羅功遺詔封爲桼侯日磾

以帝少不受封。及病困，光白封之。卧受印綬。一日薨。

兩子賞建俱侍中。與上卧起。賞奉車建駙馬都尉。及賞嗣侯。佩兩綬。上謂光曰。金氏兄弟兩人不可使俱兩綬。邪。對曰。賞自嗣父為侯耳。上笑曰。侯不在我與將軍乎。對曰。先帝之約有功乃得封侯。遂止。

閏月遣使行郡國舉賢良問民疾苦。

丙申二年春正月封大將軍光為博陸師古曰。取鄉聚之名。非縣也。侯左

將軍桀為安陽桀食邑蕩陰。侯。

皆以遺詔前捕反者功與金日磾同封。至是始受時衛尉王

莽子男忽侍中。揚語曰。帝崩。忽常在左右。安得遺詔封一子事。羣兒自相貴耳。光聞之。切讓王莽。莽酖殺忽。

以宗室劉辟彊字少卿。楚元王交之孫。劉長樂為光祿大夫辟彊守

長樂衛尉。

或說霍光曰將軍不見諸呂之事乎。攝政擅權而背宗

室不與共職。是以天下不信。卒至滅亡。今將軍當盛位。帝春秋富。宜納宗室。又多與大臣共事。則可以免患。光然之。乃擇宗室可用者。拜二人皆為光祿大夫。辟彊守長樂衛尉。時辟彊已八十餘。徙宗正。數月卒。

秋。匈奴狐鹿姑單于死。子壺衍鞬單于立。

初。武帝征伐匈奴。深入窮追。二十餘年。匈奴馬畜孕重。

懷任墮殯。胎落罷讀作也。散也。疲。極苦之。常有欲和親意。未能得。

是歲。單于病且死。謂諸貴人。我子少。不能治國。立弟右

谷蠡王。及單于死。衛律等與顓渠閼氏謀。矯單于令。更

立其子為壺衍鞬單于。左賢王。右谷蠡王。怨望不復肯

會龍城。匈奴諸王。每歲五月大會龍城。祭其先天地鬼神。匈奴始衰。

丁酉二年冬十月。鳳凰集東海。漢郡注見前。

遣使者祠其處。

十一月壬辰朔日食。

戊戌四年春三月立倭仔上官氏爲皇后。赦。

初霍光與上官桀相親善。每休沐出。桀常代入決事。光女爲桀子安妻。生女年甫六歲。安欲因光內之宮中。光不聽。帝姊鄂邑蓋長公主私近子客丁外人。安說外人曰。安子容貌端正。誠因長主時。得入爲后。以臣父子在朝。而有椒房之重。漢家故事。常以列侯尚主。足下何憂不封侯乎。外人言于長主。長主以爲然。召安女入爲倭仔。遂立爲后。以安爲車騎將軍。

己亥五年春正月。男子成方遂詣闕。詐稱衛太子。伏誅。

有男子乘黃犢車。詣北闕。詐稱衛太子。公車以聞。詔公卿將軍中二千石雜識視。至者並莫敢發言。京兆尹不疑後到。叱從吏收縛。或曰。是非未可知。且安之。不疑曰。諸君何患于衛太子。昔蒯瞶違命出犇。輒拒而不納。春秋是之。衛太子得罪先帝。亡不卽死。今來自詣。此罪人也。遂送詔獄。上與大將軍光聞而嘉之。曰。公卿大臣。當用有經術明于大誼者。由是不疑名重朝廷。廷尉驗治。竟得姦詐。本夏陽人。姓成。名方遂。居湖。有故太子舍人。謂曰。子狀貌甚似衛太子。方遂利其言。冀以得富貴。坐誣罔不道。要斬。

伊川程子曰。不疑說春秋。非是。然其處事應機。則不異于古人矣。

庚子六年春。詔問賢良文學。民間疾苦。

諫議大夫杜延年

字幼公。杜周少子。

言年歲比不登。流民未盡

還。宜修孝文時政。示以儉約寬和。順天心。說民意。年歲

宜應。光納其言。詔有司問郡國所舉賢良文學。民間疾

苦。教化之要。皆對願罷鹽鐵酒榷。

武帝時榷酒酤。

均輸官。毋與

天下爭利。桑弘羊難以爲此國家大業。所以制四夷。安

邊足用之本。不可廢也。于是鹽鐵之議起焉。是年秋七

月。罷榷酤官。從賢良文學之議也。

霍光知時務之要。輕徭薄賦。與民休息。會

匈奴和親。百姓充實。稍復文景之業焉。

蘇武還自匈奴。以爲典屬國。

本秦官。漢因之。掌蠻夷降者。

初武與李陵俱爲侍中。及陵降匈奴。單于使至海上。爲武置酒設樂。謂曰。單于聞陵與子卿素厚。故使來說足下。虛心欲相待。終不得歸漢。空自苦亡人之地。信義安所見乎。武曰。武父子無功德。皆爲陛下所成就。位列將爵通侯。常願肝腦塗地。今得殺身自效。誠甘樂之。臣事君。猶子事父也。子爲父死。無所恨。願勿復言。陵與武飲數日。復曰。子卿壹聽陵言。武曰。自分已死人矣。必欲降。武請畢今日之驩。效死于前。陵見其至誠。喟然嘆曰。嗟乎。義士。陵與衛律之罪。上通于天。因泣下霑衿。與武決去。後陵復至北海上。語武以武帝崩。武南鄉號哭。歔血旦夕。臨數月。及是。匈奴國內乖離。恐漢兵襲之。于是與

武宏等。歸蓋匈奴。以舊使老而無用。聊爲和親之

計耳使上林雁帛云巢
足動聽則索及叛降之陵
律匈奴亦將與之乎

漢和親乃歸武及馬宏等

宏前使西國為匈奴所遮亦不肯降故匈奴歸此二人欲

以通善意先是漢求武等單于詭言武死漢使復至常惠夜見漢使具自陳道教使者為單于言天子射上林中得雁足有繫帛書言武等在某澤中使者如惠語以讓單于單于大驚謝曰武等實在于是李陵置酒賀武曰足下揚名匈奴功顯漢室雖古竹帛所載丹青所畫何以過子卿陵雖驚怯令漢貴陵罪全其老母庶幾乎曹柯之盟宿昔所不忘也今復何顧哉已矣令子卿知吾心耳乃起舞作歌泣下數行遂與武決武留

匈奴十九歲始以彊壯出及還鬚髮盡白

官屬隨還者九人既至京

師詔武奉一太牢謁武帝園廟拜典屬國賜錢二百萬田二頃宅一區常惠等拜中郎老者歸家賜錢十萬

明倫彙編 家範典 卷一百一十五

舊國之盟辭昔而不忘也今更而前始乃焚命乎以留

而此圖乃明交趾王命合其諸夷軍金鼓率兵討之

中書監自題品書法苑筆法某蜀中與書俱惠

漢書卷之九十四

